


891.99
9-76



ԳՐԻԳՈՐ ԶՈՒՐԱՊ

ԱՅ

27.2

14.76
2

ԽՂԱՄՏԱՆՔԻ ՁԱՅՆԵՐ

ՓՈՍՏԱ
ՃԵՂԱՆ
ԹԵՖԱՐԻԿ
ՍԱՌԱ
ՄԱԳԹԱՋԻՆԵ
ԱՅՐԻՆ
ԽԱՐԻԽՈՅ
ՏՈՒԼՈ

Տպագրութեան Ա. Առաքելոց

1909 Կ. ՊՈՒՅԱ

29791

19 NOV 2011



ՀԱՅՈՒԹ

ՓՕՍՏԱԿ

Ա.

Հաճի Տիւրիկը, սպասուհիներու միջնորդը, տասնը հինգ օր աշխատելէն վերջ միայն յաջողեցաւ ձեռք ձգել կեսարացի Ղազար էֆէնտիկ կող, Սուրբիկ հանրմին, Գատրդիւղի ամէնէն հարուստ տիկիններէն մէկուն, ուղած սպասուհին:

Հաճին, Պարտիզակցի մը, ինքն ալ սպասուհի, սարնտու, լուսայարար, խոհարար կին եղած էր ատենով, պարագային համեմատ։ Ծառայութեան ամէն սատիճաններէն անցեր էր մէկիկ մէկիկ, Պոլսոյ հայ տուններուն, անոնց կարծեցեալ պարկէշտութիւններուն մէջէն հանելով իր հիմակուան անկախ դիրքը։

Սյու տուններուն բոլորին մէջ, Հաճի Տիւրիւկ, որ ան ատեն գլեռա երուսաղէմ գացած ըրպալուն համար՝ հաճի չէր, իբրև ձշմարիտ ու կատարեալ աղախին, աղտներէն մինչեւ սպասաւորները ճանչցեր էր մօտէն, երբոր մնծ ու պղտիկ, գրեթէ առանց բացառութեան, քիչ շատ զինքը աղմեր աղմբակէր էին, հոս հոն, սենեակներուն մէջ, հանրմինները տունը չեղած միջոցին, սանդուխին դիուկը,

գուռներուն ետին, երբեմն խոհանոցներուն անկիւնները: Շատ մը տուներու մէջ իր տիրուհիներուն նախանձը շարժելով չափ ընդունելութիւն գտած էր առանց գանգատելու:

Շատ բան տեսած էր իր անձին վրայ և աւելի շատ իրեն շուրջը, իր բարակի հետաքրքիր քիթովը հոտուրալով ամէն ապականութիւնները և սաւր ականջովը՝ դոներուն ետեւէն ունկնդրելով կամացուկ մը ըստած նաքերուն:

Եփուն կնիկ մըն էր արդէն, երբոր առած պախչեներէն և ամսականէն աւելցուցած ստակովը եղուսալէմ գնաց, ով գիտէ ուխտի թէ մեղքերուն թողութիւն ուղելու համար: Վերադարձին՝ հաճի Տիւրիկ, սպասուրութիւնը թողուց, ինք իր գլխուն գործի սկսու, ծանօթ տուներու համար կին ծառաներ գտնելու ձեռք զարկաւ, թէլլալ կնիկ նղաւ: Իսկոյն յաջողեցաւ այս գործին մէջ. պատրաստաբան ու զուարձախօս կին էր. էֆէնտիներուն՝ վրան բաց կատախներ կ'ընէր. հաւնիներուն՝ օրուան գայթակղութիւնները կը բերէր: Ամէնքը գոն էին իրմէ. ամէն բանի յարմար սպասուհին ինքը միայն ձարել գիտէր: Իր աւելաւորած ծառաները տարիներով կը կենային գտնուած տեղերնին: Մենծ տուները, հարուստի տուները, իրեն կը դիմէին. անոնք որ իր յաճախորդներն էին իր անունովը կը պարձենային:

—Մեր թէլլալը Հաճի Տիւրիկն է:

—Մերն ալ:

Հաճին՝ Շրիկըին կամ Պիւռկիւին պէս բան մը կ'ըլար հայ հանրմիներուն համար:

Ասոր համար էր անշուշտ որ Սուրբիկ հանրմ իրեն լուր զրկեց երբար իր տանը մէջ, հին օրուան Մարիամին քով, նոր սպասուհի մը աւելցնելու որոշում տուաւ

ու անոր ձշդեց այն յատկութիւնները որ նոր գալիք աշղափնէն կը պահանջուէին:

—Ըստուիկ մէկը ըլլալու է ամէն բանէ առաջ. հո՛գ չէ թէ որ սկզբը ձեռքէն գործ չգայ. հոս շուտով խզմերը կը սորվի. արդէն մեծ բան մըն ալ չունի ընեմբք. տղուս Օննիկին ունեակը պիտի շոկէ, զգեստները մաքրէ. աս ալ բսեմ որ աղջիկ զաւակ չեմ ուզեր տանս մէջ:

Եւ վախնալով որ գալիք սպասուհին Օննիկին սենեակը շտկելու, զգեստները մաքրելու սահմանելով՝ պէտք եղածէն աւելի բացայացա կերպով իր գիտաւորութիւնը հասկցուցած կ'ըլլայ, խկոյն աւելցուց.

—Աչքը երեսը բաց մէկը չեմ ուզեր հա՛, հաճի՛. գուն իմ ուզածս հասկցար, թէ որ զիս գոն ընես, ուզած թէլլալչեղ եւելօքը կուտամ:

—Հասկցայ, օղուլ:

Միջնորդը քիչէն շատ հասկցող կին էր. անմիջապէս չորս դին ինկաւ, հարցուց վնասուեց, բայց գտնուածները Սուրբիկ հանրմին ուզած պայմանները լիովին չէին միացըներ իրենց վրայ: Գեղեցիկ աղափմիներ չէին պակաեր իր ձեռքին տակ, բայց ասոնց աչքերն ալ, երեսն ալ պէտք եղածէն աւելի բացուած էին ու Սուրբիկ հանրմին ծեր էրիկը՝ Դադար աղան զլիսէ հանելու չափ սպասանց էին: Հանրմին ուզածը միամիտ աղջիկ մըն էր և սոփկող Պոլսոյ մէջ դիւրին չեղաւ գտնել:

Այն աստեն Հաճի Տիւրիկ յատուկ համբորդութիւնը ըրաւ. Իդմատ, Պաղչէձիկ, Արալանալէկ, Ատարազար: Վերջապէս սլարտեցաւ բոլոր այն գեղ տեղուանոքը որոնք սպասուհիներու արտածումը կ'ընեն. և ահա մեծ յոգնութիւններէ վերջը, չորեքտարթի օր մը յորեկին, յաղ-

թական մուտքով մը , Սուրբիկ հանըմին ներկայացուց
իր գեղէն բերած սպասուհին , հազիւ տամնըութը տարե-
կան կին մը , զոր նոյն օրն իսկ միասին առեր բերեր էր
Պաղէճիկին :

Սուրբիկ հանըմ գլխէն մինչեւ ոտքը դնեց նորեկը
որ դրան մօտ բարեւ բռնած կեցած էր . իր հազած պաս-
մայէ տձեւ շրջազգեստին հակառակի՝ իրօք խիստ չնոր-
հալի գտաւ զայն , քանի որ շուտով ամսականին վրայ
յարմարեցաւ միջնորդին հետ . եօթը մէջիտ ամիսը եւ
տարին երկու ձեռք նոր լաթ , բացի իր մէկդի նետած-
ներէն զորս իր յօժարութեան համեմատ պիտի նուիրէր ,
եթէ զո՞ն մնար անոր խզմերէն : Եւ անմիջապէս սկսելու-
համար կոկիկ ու մաքուր շրջազգեստ մը հագցուց անոր ,
ճերմակ գոգնոց մը կապեց , գլխէն եազման հանեց եւ
մազերը շտկել տուաւ . այս համառօտ արդուզարդով ա-
ղախինը իր գեղեցկութեան բոլոր շքեղութեանը մէջ
երեւաց : Մէջքը բարակ չէր , բայց հասակին բարձրու-
թեանը և բարձերուն հարստութեանը վայլած էր : Չուա-
ձեւ , եւ իր գեղացի ըլլալուն հակառակ դեռ ճերմկոտիկ
դէմքին վրայ սեւ խոչսր աչքերը սովորաբար թարթիւ-
ներուն շուքին մէջ կը պահուէին ու երբեմն միայն ըն-
քուիներուն աղեղին տակ կը խրոխտացին : Բերանը՝ իր
զմայլելի գիծերովը ու երկու դիմ ամփունէն իրբեւ թէ
յատկապէս վեր առնուած , անդիմադրելի պչրանք մըն էր
ինքնին , և մուցնել կուտար պոկունքին անարիւնութիւնը :

Ոչ ոք կիներուն չափ գեղեցկութեան ճաշակը ու
հասկացողութիւնը ունի . գեղեցկութիւնը այն միակ ճշ-
մարտութիւնն է զոր կինը չի կընար ուրանալ , նոյն իսկ
երբ իր թշնամիին վրայ կը գտնուի . շատ հեղ լսած եմ
արամբի կնոջ մը վրայ պատմուած չարախօսութիւննե-

րու , բամբասամնքին , իրաւ կամ սուտ ամէն կերպ աղտե-
ղութեանց ամէնէն տաք վայրկեանին՝ սա յայսանութիւնը
որուն խորին անկեղծութիւնը կը զարմացնէ զքեզ եւ
պատմովին արդարասէր մէկը ըլլալուն համոզում գոյա-
ցնել կու տայ .

Ասոնք բոլորը իրաւ են , բայց շուն կնիկը աղ-
ուոր է :

Սուրբիկ հանըմ հաւնեցաւ ուրեմն իր սպասուհին ,
ապսպեց որ վրան գլուխը մաքուր պահէ , աշխատու-
թիւնը սահմանեց , վարքի բարքի խրաներ տուաւ :

Յետոյ , իմանալով որ հօրմէ մօրմէ որբ ու նոր ա-
մուսնացած էր Տիգրանուհին , Սուրբիկ հանըմ որ Հիւանդա-
նոցի խնամակալուհի էր ու իր ամուսնին պէս սրբասէր ու
աստուածալախ կնոջ համբաւը կը վացելէր , իր սովորա-
կան մնծախօսութիւններէն քիչ մը ջարդեց :

Ես ծառաներս զաւկի պէս կը նայում . ուրիշ տու-
ններու մէջ անոնց հորի ջուր կը խմինեն , գուն ա-
ղէկը դիտես , հաճի՛ . ես ալբիւրի ջուր կու տամ
անոնց . խոնանոցին մէջ երբոր կերակուրները չօգ-
տեն ձեզի , ինձի անպատճառ խնաց տուր + խոնարարը
ծառաները զրկելու կ'ելլայ , ատանկ բան չեմ սիրեր ես .
սա ալ ըսեմ որ կերակուրդ ուտելուդ պէս խոնանոցին
մէջ կենալու չես . էրիկմարդ ծառաներուն հետ պէտք չէ
որ խօսքի բանուաւա . հասկցա՞ր աղջիկս . հիմայ դնա՞ ,
թող Մարիամը գործդդ ցուցնէ քեզի :

Մեղք ու կաթ կը վազէր բերնէն + Տիգրանուհին
կատարեալ երանութեան մէջ զգաց ինքովինքը :

F.

Հետեւեալ առոտուն կանուխ Տիգրանուհին արթլնցաւ : Պատուհանէն եկող արեւը ձիշդ իր անկողնին վրայ կ'իյնար , կը սիռուէր , իր հոլանի պարանոցին ու թեւերուն սպիտակութեան վրայ կը ձառագայթէր , բոլոր սննեակին մէջ ուրախութիւն մը կը բերէր : Երկու օրէ ի վեր իր կեանքին մէջ պատահած փոփոխութիւններուն տակ բնդարմացած կը մնար . անկողնին մէջ նստած , մտքովը ատոնց քաղլուածքը կ'ընէր :

Գեղը , մօրաքրոջ մը տանը մէջ ապրած էր ինքզինքը գիտնալէն ի վեր մինչև ամուսնացած օրը : Մօրը յիշատակը իր պղտիկ տարիքին մէջ շատ տարտամ կերպով մը կուգար մտքին սողնե , ատեն սննդնելով գոյնը նստած , գիծերը եղծուած հին լուսանկարի մը պէս : Հայրը բնաւ ճամացած չէր : Այս մօրաքրոջ տանը մէջ կէս մը աղախինի ու կէս մը աղդականի պէս կ'ապրէր , տատելով , ինչպէս կ'ըսէր ինքը , իր ապրուստին բերը զգալի չդարձնելու նպատակով : Ու երջանիկ պիտի ըլլար հոդ ապրիլուն , եթէ մօրաքրոջ երկու աղջիկները անստանելի չդարձնէին իր կեանքը : Իրն էր յանցանքը՝ եթէ անոնցմէ աղուոր էր ինքը : Ապաքին , այս աղուորութիւնը իր թշնամին եղած էր և անկեղծութեամբ Տիգրանուհին կը զզմոր իր գեղեցկութեանը համար :

Գեղին մէջ շատ մը աղաք իր ետեէն ինկած էին գիշեր ցորեկ , հասակին շքեղութեանը , մինչև կոնակը համող խարտեաշ մազերուն գովեստը փափակով ականչն ի վար : Ասոնց և ոչ մէկուն հաւտացած էր , բայց այս հետապնդումները՝ հանդարտ ջուրի մը մէջ նետուած մանր

Փարերու պէս , իր հանգիստը վրդովեր էին : Մօրաքրոջը աղջիկները իր վրայ ամէն տեսակ չարախօսութիւններ տարածելու մէջ առաջիններէն էին : Ահա այդ միջոցին էր որ երփասարդ բանւոր մը , իր օրական ապրուստը ճարելու հազիւ հազ կարող մէկը , զինքը ամուսնութեան ուղելու ելեր էր : Տիգրանուհին տասնրութիւր տարու էր հիմայ , ինչ որ գեղ տեղերու մէջ աղջիկներուն համար շատ առաջ գացած տարիք մըն է . յետոյ , իր մօրաքրոջ առունէն ելլելու սոսուգութիւնը կար . մօրաքրոյն ալ , զինքը ճամփելու փափաքին մէջ , սիրով բնդուներ էր այս առաջարկութիւնը : Եւ օրին մէկը հարս զացած էր տան մը մէջ , ուր վեսէն զատ անոր ծնողքը կային : Մեծ բան մը չհասկցաւ այս ամուսնութեանէն . կարգուելէն ութ օր վերջը էրիկը լեռ գնաց իր գործին , ածուխ շննելու , ու ամիս մը վերջը օր մը միայն դարձաւ կնոջը քով , հետեւալ օրը նորէն իր լեռը երթալու , աներեւութանալու համար : Հայրը հոս ալ կ'աշխատէր օրն ի բուն ու իր կեանքը , բեկուային օրերուն պէս , երկարատեւ խաւարի մը կը նմանէր զոր ոչ մէկ լոյսի ճառագայթ կուգայ վայրկեան մը գէթ լուսաւորել , ուրախացնել :

Յանկարծ օրին մէկն ալ իր էրիկը տան բերին ոտքը կոտրած , ամիսներով անդորրծութեան դաստապարտուած . ասիկա լրումը եղաւ : Ահ , թէ որ գոնէ զաւակ մը ըւրած ըլլար , հիմայ ստնտուութեան կ'երթար Պոլիս , տատակ կը վաստիէր ու տան մը կրնար զնել , բայց այդ ալ չկար ու ասիկա՝ իր կեսուը ու կեսրայը յանցանքի մը պէս կը զարնէին իր երեսին :

Հածի Տիւրիկ ճիշտ այդ ժամուն հասաւ զինքը միամին Պոլիս տանելու համար : Էրիկն ալ , մօրաքրոյն ալ , որ մօր տեղ կ'անցնէր , յօժարեր էին ասոր . Տիգրանուհին

աղատագրութեան պէս բան մը կը տեմէր հոդ : Թէլլալը՝
անոր ապագայ հանըմին փառաբանութիւնը բերնէն չէր
ձգեր : Հարուստ մարդիկ, վերիիլի համըմ . կաղանդին,
Ծնունդին, Զատկին պահւեիտ, կերուխումը առատ, աշ-
խատութիւնը թեթեւ . սպասուհի մը համար ասկէ աւելի
ցանկալի տեղ չէր կրնար ըլլալ :

— Աղջի՛, Օղո՛ւլ, չգտնուած տուն է, կ'ըսէր Հա-
ճի Տիւրիկ :

Այնքան որ մօրաքոյը պահ մը կը մտածէր իր աղ-
ջիներէն մէկը զրկել Տիգրանուհին տեղը : Վերջապէս
որոշումը տուեր էին և հետեւեալ առառն, դեռ չուս-
ցած, դիշերուան մութուն մէջ կառքը երկու կիները
Պաղէճիկէն իջեցուցեր, ծովեղերքը բերեր ձգեր էր, ճիշդ-
երը արշալոյուր իր ծոգէր :

Տիգրանուհին հիմայ այս մութէն դէպի լոյս ուղե-
ւորութիւնը, ժամանումը միտքը կը բերէր, բարիգ ուշակ
մը կը համարէր իր կեանքին համար : Խսկոյն զմայլեր էր
Իզմիրի ծովածոցին վրայ, որ այդուն սրսկած դեղին
ոսկիի ցոլացումին մէջ, անշարժ կը տարածուէր, կա-
նուխ արթնաւ չուզող աղուոր ու ծոյլ կնկան մը պէս :
Մինչե այդ տարիքը մօտանց չէր տեսեր ծովը ու այս պա-
հուս, գեղին եռաթի խոչոր նաւակի մէջ տեղաւոր-
ուած, իր պդտիկ պօղչան քովիկը, այդ կապոյտ տարա-
ծութեան վրայ սահելուն կ'զրօնութ ու անոր վրայ
պատմուած ահաւոր պատմութիւններուն չէր հաւտար :
Իզմիր համելուն՝ հազիւ ատեն ունեցեր էին շողեկառ-
քը մտնել և խոյն կայարանին աղմուկէն ու դո՞ս ու
բո՞չն զատուելով խօլ արշաւ մը սկսեր էր . անդուլ, ան-
դաշտար, ժամերով վազք մը, քերելով ծովեղերքը ձա-
խէն, ու աջէն՝ սուրալով մութ մանիշակագոյն հողերու

մէջէն որ մինչե Հէրէքէ այդ տեղի ցամաքը կը կաշմնն :
Հոս հոն, տեղ տեղ, կը կենային ու Տիգրանուհին կը կար-
ծէր որ յոդնութիւն առնելու համար էր սակէս . ոմանք
կը ձգէին շողեկառքը, ոմանք նոր կը մտնէին, և անմի-
ջապէս ճամբայ կ'իյնային . յիմարական խոյացումը կը
սկսէր դէպ ի Պոլիս : Ու կը յիշէր վերջապէս հասնենին
Հայտար-Փաշա, Պոլիսը, Բերան զորս Հաճի Տիւրիկ մա-
տովը իրեն ցուցուց հեռուէն և ասդին՝ Գատըգիուդ՝ ի-
րենց գալիք տեղը, մաքուր փուղոյներով, գեղեցիկ տու-
ներով շինուած քաղաքը որուն վրայ հիացաւ : Կայարա-
նին մէջ կը վախնար որ բաղմութեան մէջ չկրսուի .
Ժեին տակի պղտիկ պօղչան ուժով մը կը սեղմէր, իր
շփոթութեանը մէջ մունալու վախով : Հաճի Տիւրիկը
քովն էր սակայն, ճարպիկ ու վարպետ առաջնորդ, որ
ամէն դժուարութեանց մէջ կը քաշէր կը հանէր զինքը,
մինչե որ հո՛ս, այս հարուստ տանը մէջ բերաւ ու յանձ-
նեց զինքը : Հաճի Տիւրիկ, պահապան ու զօրաւոր հը-
րեշտակի մը մարմնացումն էր իր աչքին, ու Տիգրանուհին
սրտին խորէն չնորհակալ կ'ըլլար անոր այս վայրկեանիս :

Եւ այս տունը՝ իր հարուստի բարբառող կահաւորու-
մին մէջ . երեք ծառայ որոնք իրենց աշխատութեան մե-
քենական ձշութեամբը զարմացուցեր էին զինքը .
ծեր Մարիամը, որ ինչ ընելիքը պիտի սորվեցնէր հոս տեղ .
Եւ ունաւաւանդ անուշ լեզու հանըմ մը : Միայն իրիկունը ա-
զային լուրջ ու խոժոռ դէմքէն վախցաւ քիչ մը . յետոյ
անոր տղան, երիտասարդ մը, մարմնեղ, արիւնոտ անձ
մը . հօրը ձեւը, հօրը լլջութիւնը :

Այս ամէնը կարգով ամիսինց շարեց մոքին մէջ ու
խորունկ գոհունսակութիւնն մը զգաց . յետոյ, ցատքեց տե-
ղէն շուտով, հազուեցաւ, մազերը սանտրեց, պատէն

կախուած հայելիի մեծկակ կտորի մը մէջ նայեցաւ . այն ատեն , առջի անգամ ըլլալով ուշադրութեամբ դիտեց իր դէմքը , աղուոր ըլլալուն հաճոյքը զգաց ու վար իջաւ :

Գ.

Սուրբիկ հանըմին աղուոր պէսկէմէն ամէնուն բերան էր գեղին մէջ : Աղաներն ալ , հանըմներն ալ Սուրբիկ հանըմը կը չնորհաւորէին :

Պղտիկ ու անգիտակից պշառնքով կը հագուէր անփկա , իր հանըմին պատուէրին համեմատ , ձերմակ մաքուր գողնոց կապած առջին : Իրիկունները , աշխատութիւնները լինուալէն ետքը , ամէնէն վերի յարկը իր փոքրիկ սենեակը կ'երթար , պատուհանին առջեւ կը նստէր , չուզենաւէն ելլողները դիտելու համար , մինչեւ որ վարէն կանչէն վինքը :

Տանը մէջ կ'սկսէր վարժուիլ . իր առած ամսականը ամբողջութեամբը գեղ կը զրկէր , երկանը ձեռքը , ու գոհ էր այս կեանքին : Միայն երգենին խուլ անհանդասութիւնը ունէ էր վտանգի մը զոր չէր տեսներ , ճիշդ ինչպէս սենեակի մը մէջ ինքնիրենը նատած մէկը , նոյն խոկ աչքը գոց պահուն , կ'զգաց ուրիշի մը ներկայութիւնը , աչքը դեռ չբացած :

Այս վտանգը աւելի օդին մէջն էր քան թէ շօշափելի բան մը : Զէր գիտեր հաստատ կերպով թէ ի՞նչ էր իրեն սպառնացող բանը , բայց զգոյն կենալու ուկտաքը կ'զգար :

Այս Պոլսոց մարդիկը , իրենց բոլոր քաղաքալար վարժունքին հակառակ , կնկան նայելու ձեւեր մը տնէին , որ համբուրելու պէս կը դպչէր իր երեսին և իր նոր հարսի ,

գրեթէ կոյսի ամէկոտութիւնը կը վիրաւորէր ամէն վայրկեան : Միմիայն իր կնոջական բնազդով կ'զգար լուս իղձերու հովը որ իր շուրջը կ'նվէր , կը բարձրանար , երբոր էրիկմարդոց առջեւ գտնուէր , անուշ բերած կամ ջուր տուած միջոցին : Եւ , դէպ ի դուռ դարձած՝ մենեակէն դուրս ելլելուն , ամէն աչքերը իր վրայ էին , իր յաղթ ու զեղեցկաշէն մարմնին վրայ որուն լեցուն գիծերը , իր քալուածքին համեմատ հազիւ թէ նըսմարելի շարժումով մը կը խաղային : Մինչև անդամ իր հագուստը ու կապուստը , շինականի և սպասուհիի պարզութեամբ , եւ թերեւս ատոր համար , հրապուրիչ բան մը ունէր :

Այս ձգողութեան՝ Ղազար աղային տղան չղիմացաւ երկար ատեն :

Մարմնեղ ու տարփասէր երիտասարդ մըն էր , հօրը պէս իր բոլոր իղձերը թաքուն պահելու սորված ու , տառը համար , ա՛լ աւելի ինքզինքը զապելու անկարող , երբոր դիպուածով մինակ մնար սպասուհին հետ :

Իր ծանր գլուխ տղու համբաւին հակառակ , շուտով մկասա կատակներ ընել Տիգրանուհին հետ , փորձի ենթարկելով զայն , ջանալով հասկանլ դիմացինին ընդդիմութեան ուժը : Երբեմն , իրու թէ անզգուշութեամբ , անոր մարմնին կը դպէր , ձեռքը բռնել կ'ուզէր : Այս ատեն , Տիգրանուհին հասկցաւ անոր միտքը ու ետ քաշուեցաւ , առանց խուճապի , այն վախիկոններուն պէս որոնք ծանր ծանր քալելով կը նահանջէն , շինծու քաջութեամբ և անփութութեամբ մը ծածկելով իրենց ներսիդի դոլը , դիմացինին յարձակումը չփութացնելու նպաստակով :

Անկէ վերջը երիտասարդը բայց ի բաց իր պահանձումները պարզեց անոր , այնքան աւելի բռնամալով , որ-

քան վեց ամիսէ ի վեր տևող մերժումները զինքը ամէն
ծայրայեղութեանց տանելու աստիճանին հասցուցեր էին :
Առուու, իրիկուն, գիշեր, աչք կապուկի կամ պահուը-
տուքի պէս բան մըն էր տանը մէջ, սենեակէ սենեակ,
անկիւնէ անկիւն հալածանք մը, որուն մէջ աղախինը,
պարտաւորուած անոր մօտ գալու ամէն անդամ որ
խրզմէր մը ապապրէր իրեն, ինչ ընելիքը չէր գիտեր :

Վերջապէս, յուսահատած, օրին մէկը հանըմին գնաց
ամէն բան խոստովանելու : Սուրբ ու առաքինի կին էր
իր հանըմը, որուն գովկատր կ'ընէր քարողիչ Սրբազնը
շատ անդամ Եկեղեցւոյ բեմէն : Ու իրեն պաշտամն մը
գտնելու առաջադրութեամբ, ցորեկ մը իր հանըմին հետ
մինակ մնացած մէկ տանին, վարանելով կարմրելով ամէն
բան հասկցուց անոր :

Սուրբիկ հանըմ զարմացաւ, չհաւտաց նախ ասանկ
բանի մը գոյութեանը, թերեւ Տիգրանուհին սխալած էր :
Յետոյ ըստ որ իրիկունը իր տղուն հետ պիտի խօսէր,
բայց աւելցուց ժամանելով որ այս բոլոր պատահածին յան-
ցանքը Տիգրանուհին գեղեցկութեանն էր :

— Աղէկ սիրտ ունի տղաս, բայց էրիկմարդէ, դուն
ալ այնքան աղուոր ես որ չեմ վարմանար զքեզ սիրելուն :
Մարդ քեզի չի կրնար դիմանալ :

Հաձի Տիրիկ որուն Տիգրանուհին յայտնած էր իր
վիճակը, ինտաց իր վրան :

— Օդո՛ւ, ըստ անոր, էֆէնտիիդ տղան կը սիրէ
կոր քեզի, ա՛ւ ի՞նչ կ'ուզես :

Տիգրանուհին քիչ մը տանին ալ շարունակեց պաշտ-
ամնել ինքինքը անոր ձեռնարկութիւններուն դէմ, բայց
կամաց կամաց վարժուեցաւ սիրոյ խօսքեր լսելու անկէ :
Հանըմը այդ միջոցին շատ շտու պարզե կուտար իրեն .

ամսականին մօտ գումար մըն ալ ասանկով կ'առնէր : Տիգ-
րանուհին կը խոստովանէր ինքնիրենը որ ասիկա մի միայն
իր աշխատութեանը համար չէր : Յետոյ, բոլոր այս հետա-
պնդումներուն, հալածանքներուն մէջ իր արիւնն ալ կ'ե-
ռար, դող կ'ելլէր ու կը սկսէր ինքն ալ փոխաղարձ հա-
ճոյք մը զգալ այդ ամէնէն : Փախչիլ կը ձեւացնէր, բայց
կը ձեւացնէր միայն ու կը ժալտէր :

Գիշեր մը Տիգրանուհին իր սենեակին մէջ գտաւ իր
երիտասարդ էֆէնտին, պուտալ ուզեց, բայց վախցաւ ձայն
համելու, աղաչեց .

— Ոտքդ պագնեմ էֆէնտիս, մեղք եմ :

Բայց էֆէնտին կորովի էր և իր ուժին տակ զսպեց
վինքը :

— Հանըմս, հանըմս ի՞նչ պիտի ըսէ, կ'ըսէր անիկա
գոլլղալով :

— Եե՞նթ, պատախանեց երիտասարդը անոր, մայրս
ինձի ըստ որ սենեակդ ես ու եկայ քեզ գտայ . մօրմէս
բնու մի՛ վախնար :

Ետ ետ երթալով կինը պատին կոթնած էր ալ զինքը
գրկով պրզպատէ բազուկներուն մէջ անշարժ մնացած .
Հոս՝ դիմադրութեան ուժը կը պակսէր . զլուխը պատին
գարձուցած ըլլալով, իր պարանոցին վրայ կ'զգար համ-
բոյներու կիզումը, ու Տիգրանուհին, անձնատուր ըլլալու
մօտ ու անձնատուր ըլլալէ տուած, իր արդարացումը կը
փնտուէր հիմայ, մտածելով որ ձեռքին եկածը ըրեր էր ինք-
նինքը պաշտպանելու համար . ու յանցանքը իրը չէր՝ եթէ
չէր յաջողեր : Անձնատպաններ կան որոնք վերջին պա-
հուն զդալով հանդերձ, չեն կրնար իրենց որոշումէն ետ
կինալ և առաջ մը զիրով իրենց մահը կը բացարձն, կ'ար-
դարացնէն . Տիգրանուհին ըրածն ալ ատ էր :

Դ.

Երկու տարի տեւեց այս կեանքը . ուղուած աղախինն էր ամիկա որ էֆէնտիին տղան բերա , քէշ տեղուանք երթալէն վազ բերած էր : Սուրբիկ հանըմ հարսի մը պէս հիմայ կը հագուեցնէր զայն , ու եկողին դացողին անոր գովեսոր ընելէ չըր դադրեր :

Օրին մէկը , սակայն , Տիգրանուհին հիւանդացաւ . զլուխը կը դառնար , սիրոը կը խառնուէր . այս անհանդասութիւնը շարունակեց քանի մը օր , բայց սպասուհին վախին բան մը չըսաւ , բերանը չըսաւ մէկու մը . քիչ մը ատեն անցաւ ու ծոցուորութեան նշանները երթալով շեշտուեցան : Տիգրանուհին շուարած էր , ինչ ըսելիքը ինչ ընելիքը չըր գիտեր : Միւս ծառաները կ'սկսէին քիթերնուն ատկէն խնդալ , կատակներ ընել , չարչարել զինքը : Այդ միջոցին երխտասարդ էֆէնտին իր մօտը չըր գար , ու տանը մէջ երեսը չէր նայեր : Յանկարծ օր մըն ալ Սուրբիկ հանըմ զինքը ուշադրութեամբ դիտեց , նայուածքով մը որ կրակէ պատմուանի մը պէս սպասուհին դլխին մինչեւ ոտքը չըսակատեց :

— Մօ'տ եկու , Տիգրանուհի , ըստաւ անոր բիրտ ձայնով մը :

Եւ տեսնելով անոր վարանկը .

— Սա՞նկ , աւելի՛ մօտ :

Մօտէն՝ յուութիւնը ակներեւ էր . շատ մը կիներու պէս Տիգրանուհին տղեղեր էր . երեսին մորթը՝ թուլցեր , կախուեր էր , փորը անչնորհ կերպով դուրս կը ցցուէր ու ամէն սիրոը դարմելուն՝ չափաղամց մէծցած կուրծքին յարոցքը աչքի կը զարնէր իսկոյն :

Այն ատեն բարկութենէն Սուրբիկ հանըմին խելքը գլխէն դնաց :

— Փօւսա՛լ , պոռաց անոր երեսն ի վեր , փօւսա՛լ , տունս անպատուեցիր , քէ՛զ նէհեննէմ եղի՛ր :

Մարիամ վեր վազեց հանըմին ձայնը լսելով :

— Հաճի Տիւրիկը կանչեցէք շուտ , սա շունը առնէտանի՛ , կը պոռար հանըմը :

Երկու ժամ ետքը քէլլալը գտան բերին ու բերանը վրիբելով Սուրբիկ հանըմ իր զայրոյթը դուրս թափեց :

Կեղծաւորութիւնը անանկ բան մըն էր որ երբեմն ու վերջ ի վերջոյ անկեղծութեան հետ կը շփոթուի և անկէ չի տարբերիր , ինչպէս որ սուտ խօսողներ կան որոնք իւրենց սուտին կը հաւտան :

Ասանկ ալ Սուրբիկ հանըմին բարկութիւնը շինծու բան մը չէր , անկեղծ էր . երբեք կարող չէր հիմայ մըտքէն անցընել որ իր գիտութեամբը , իր կամքովը , իր կարգադրութիւնովը ամէն բան եղած կատարուած էր : Իր բերնին մէջ ամէն վարկեան յեղյեղուող պատիւ , պարկեշտութիւն բառերուն վարժութեամբը՝ ցաւագարի մը պէս կը պոռար , աղախնը , Հաճի Տիւրիկը ու բոլոր աշխարհը յանցաւոր գտնելու կ'ելլէր :

— Հիմա՛յ , հիմա՛յ , փօւսալը թող կորսուի երթայ , վայրկեան մը չեմ ուզեր տունիս մէջ :

Այս եղաւ իր վերջին խօսքը :

Թէլլալը Տիգրանուհին սենեակը ելաւ , մահուան դուղերու մէջ գտաւ զայն . սաստիկ չերմ եկած էր վրան , երեսները կարմրեր էին , մինչդեռ ակասները իրարու կը զարնուէին :

Միջնորդ կինը զիթաց անոր . բան մը հարցնելու պէտք չունէր . անցած դարձածը դիսէր . միայն հարցում մը .

— Քանի՞ ամսու ես, ա՞ղի:

— Չիմ գիտեր, մրմնջեց միւսը:

Վար իջաւ համրմին քով, բայց անիկա նորէն սկսեր էր ձայնը բարձրացնել ու ջանքեր կ'ընէր իր զայրոյթը սուելցնելու համար. շարունակ կը յիշէր ասանկ աղքատ կին մը իբր սպասուհի իր տունը ընդունելով դործած բարիքը և ասոր փոխարէն, գտած ապերախտութիւնը. աս աղջը ասանկ էր միշտ. աղքատները ասանկ խայտառակ արարածներ էին բոլորն ալ. ու նստած տեղէն բերը վեր կը քաշէր իբրև թէ այս տիզմին չքսուելու համար: Եւ յանկերգի մը նման, միւնյին նախատական բառը կուգար շուրթերուն վրայ, թուքի մը պէս.

—Փօւսա՛լը, փօւսա՛լը, ով զիտէ ո՛ր ծառաս զըւլէ հաներ է:

Այն ատեն Հաճին նեղացաւ ա՛լ. ձեռքերը մէջքին դրաւ ամբարտաւան ձեռով մը.

— Ինծի նայէ՛, հանըմ, շտտակին ըսեմ, անիկա խեղճ կիկ ծառայ մըն է, դուն քու տղուդ խօսք հասկնելու էիր. հիմայ ալ ելե՛ր ծառայի հետ տեսնուեր է կ'ըսես. ասիկա մեղք է:

— Ի՞նչ, հիմայ ալ տղուս վրայ մուր պիտի քսէք. իմ տղաս ծառայի վրայ չի թուքներ. բոլոր գեղին աղջիկները, կնիկները իրն են:

— Բու բոլոր գեղիդ մէջ ալ Տիգրանուհին պէս աղուոր մը չկայ, հանըմ. դուն եկուր իմ խօսքս մտիկ ըրէ. իմ գլխէս շատ տաք ու պաղ անցած է. բան մըն է որ եղեր է. ասիկա տունել անցնելու չէ:

Բայց միւսը կը յամառէր. չէր ընդուներ որ իր զաւակը տեսնուած ըլլայ Տիգրանուհին հետ:

Ու վէճը երկարեցաւ. երկուտանք բիրտ բառերով

նախատինքներով լեցուած վէճ, որուն մէջ ստորին ու աղտոտ գերը՝ քէլլալ կնկանը գերը չէր:

Սուրբիկ հանըմ ուրիշ բանի չէր բաղձար, բայց միայն գայթակղութիւնը աւելի չտարածուած մէյ մը դուրս նետել Տիգրանուհին:

Հաճին խորամանկ էր, զգաց տախկա և ջանաց օգուտ քաղել անկէ, սպասուհին համար քանի մը զրուշ ձեռք ձգելով.

— Ամէն բան ստակով կ'ըլլայ:

— Սնոր տալուս Հիւանդանոցին կու տամ, կ'ըսէր Սուրբիկ հանըմ, կրկնելով այն խօսքը զոր իրենց պարտքը վճարել չուզողները, յայտնի աւաղակ մը չհամարուելու համար, սպղորաբար կը դործածին մեր մէջ:

Ան ատեն Հաճին բերանը բացաւ:

— Ինծի նայէ, ձեր տղաքներուն ելլեննեին համար տունը աղուոր պիսլիմե ուզողը վարա տալէն քաշուելու չէ, հասկցա՞ր օղուլ: Հիւանդանոցիդ ստակ տալուդ, տղուդ ծոցուր ձգած աղքատ աղջիկին տուր. չունիկ չունեւորիկ չէք, փառք Աստուծոյ: Աս աղջիկը տեղ մը չի կրնար աշխատիլ, զաւակ պիտի բերէ, ապրուստ չունի, դեղը հիւանդ երկանը զրկելու ստակ չունի:

Սուրբիկ հանըմ պոտաց, հայհոյեց, սակարկեց, և վերջ ի վերջոյ քամն ոսկի տուտու, բայց այն պայմանով որ նոյն վայրկեանին Հաճին տունէ տանի Տիգրանուհին: Ժամը տասներկուքը անցյեր էր: Դալար էֆէնտին ու տղան տուն դարձեր էին վերջին շոգենաւու և, դիմացի սենեակը նստած, առուտտուրի վրայ կը խօսէին. տղան հօրը դէմ բարե բոնած էր զրեթէ, հնազանդ ու առաքինի զաւկի պարկեշտութեանը մէջ:

Այս ժամուն Գամբը գիւղին Պոլիս գալու շոգենաւ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴՅՈՒՆԱՎՈՐ ԱԽՏԱԿԱՆ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴՅՈՒՆԱՎՈՐ ԱԽՏԱԿԱՆ
7/VI 1922

չկար : Հաճին պարտաւորուեցաւ , աղջկը հետը առած , նաւակ մը վարձել Պալաթիա անցնելու համար :

Աշունի իրիկուն մըն էր , ձմեռնամուտի մօտ : Անձրեւ մը կու գար միօրինակ և անընդհատ , ու քօղի մը մէջ սլարփակելով ծովու ու ցամաքը : Նաւահանողիստին մէջ շոգենաւերը անշարժ հսկաներու պէս կեցեր էին իրենց խաչածե կայմերովը , կարծես թէ բարե բռնած : Ծովէն՝ Պալաթիան , ու աւելի բարձրը՝ Բերան՝ իրենց անհամար լոյսերը կ'սկսէին մէկեկ մէկեկ վառել :

Ու ամքած՝ այս նաւակին մէջ , իր փոքրիկ պողչան թեին տակ , Տիգրանուհին , կամքէ ու գիտակցութենէ զորկ , ուշադրութեամբ մտիկ կ'ընէր թիերուն ծովին մէջ միրճուելու ձայնին , և հեռուն մուժին մէջ վառուող բիծերը կը դիտէր , երբոր , առաջին անդամ , իր զաւկին խաղալը զգաց որովայնին մէջ :

Գիւղին մէջ Պազար աղային տանը համար գայթակութիւն մը չսեպուեցաւ ասիկա . թէե ճշմարտութիւնը քիչ շատ խմայուեցաւ , բայց ամէնքը ըսին որ Տիգրանուհին ծառաներէն մէկը դլիսէ հանելուն համար վռնտուած էր : Սուրբիկ հանըմին բարեպաշտութեամբ վրայ այս առիթով աւելի շատ խօսուեցաւ . անոր տանը բարոյականին համբաւը քիչ մըն ալ աւելցաւ կարծես : Տղուն աղջիկ տալ ուզող կիները միաբերան գովեցին մայրն ալ , զաւակն ալ :

—Փօստալին մէկն էր , կըսէին սպասուհիին համար , ասանկ տան մը խըլմերը չգիտցաւ :

Սուտտորի մէջ Պազար աղային հետ գործ ունեցողներն ալ միւնոյն կարծիքէն էին : Պազար աղան , Սուրբիկ հանըմը կը մուլքնային , անոնց ի գործ դրած բարիքին

դէմ եղած ապերախտութեան վրայ կը զարմանային շառունակ :

—Աշխարհնք է աս , կը կրկնէին գլուխինին երեցնելով :

Ե.

Վրայէն չորս տարի անցեր էր , երբ այս պատմութիւնը իմացայ ես բարեկամ տունի մը մէջ ուր Տիգրանուհին կ'աշխատէր իբրեւ սպասուհի :

Միշտ աղուորիկ կին մըն էր , թէեւ տարիքին հակասող ծանրութիւն մը կար դէմքին վրայ :

Յղութեան վերջին ամիսները , տղաբերքը Հաճի Տիգրիկին տանը մէջ եղեր անցեր էր , կայտառ , ինսումներես մանչ մը ձգելով իրեն , այն պահուն ուր անդին գեղին մէջ էրիկը թոքաստապէ կը մնունէր :

Մեծ ցաւ մը չէր զգացեր Տիգրանուհին այս չճանչցած էրկանը մահէն . բայց նորէն թիկունք մը պակասած էր իրմէն այս մահով , որչափ ալ հնիթաղբական բան մը ըլլար ատիկա : Ու աւելի մեծ սիրով մը փարած էր այս զաւկին որ հայր չունենալուն համար կրկնապէս իրենն էր :

Ինքը աշխատելու ատիպուած ըլլալուն , իր զաւալը օտար կոնջ մը յանձնելու հարկադրուած էր , եւ օրին մէկը անոր ալ հիւանդանալուն լուրը բերին : Վաղեց գնաց , բայց մանկիկին վերջին ժամուն միայն հասաւ . բժիշկ , զեղ օգուտ չըրին , ոչ ալ Ա . Մասունքը զոր Ամենափրկիչէն բերել տուաւ . թուչունի մը պէս տուանց արտունջի հոգին աւանդեց անիկա իր գիրկին մէջ :

Տիգրանուհին մարդ մարդասանք չունէր . Հաճի Տիգրիկին ուր գեղն էր այդ միջոցին . ինքն իր գլխուն պար-

տաւորուեցաւ մեռելաթաղի բոլոր չնչին ու ահաւոր պատրաստութիւնները տեսնել : Ինքը հագուեցուց, սազեց մանկիլը, ինչպէս վերջէն կը պատմէր լալով : Յետոյ եկեղեցի գնաց փափագ յայտնելով որ կարելի եղածին չափ չքեր ըլլայ յուղարկաւորութիւնը :

— Մեղք ես, կնի՛կ, ստակ չունիս, ըսին ժամին :

Անիկա յամառեցաւ, ուղաճնին վճարեց, շատ մը մոմեր վառել տուաւ, պնդեց որ երկու քահանայ գտնուի արարողութեանը . մանաւանդ չուղեց որ ճաղի մէջ դնեն իր զաւակը, վախնալով որ հողին մէջ չմսի անիկա . արնատուկ ապսպրեց, համոզուած ըլլալով որ անոր մէջ պիտի պատապարուի պղտիկը :

Օր մը շարունակ ասնցմով զբաղեցաւ, ամէն բան իր ձեռքովը կարգի դրաւ, շտամին մէջ ինքը մինակ էր և մինչև գերեզմանատուն, գլուխը բաց, ինքը մինակ հետեւեցաւ դադալին : Հո՞ն, իր աչքին տակ, տեղաւորել տուաւ զայն հողին մէջ ու ետ դարձաւ իր ծաւայած տունը, երկու օր բացակայ մնակէ ետքը :

Աչքերը ուռած էին լալէն, բայց գանգատի բառ մը չելաւ քերնէն . գլուխը կախած, առաջուան պէս աշխատութեան տուաւ ինքզինքը :

Անկէ վերջ իր բոլոր մտմտուքը, իր բոլոր առաջադրութիւնները այս պղտիկ հողակոյտին յատկացան : Ամսականէն ժողված սուջի ստակովը՝ գերեզմանատան մէջ պղտիկ հող մը գնեց :

— Երկու հողինոց հող մը, ըստաւ ցած ձայնով մը թաղականներուն :

Ստակը վճարեց և թուղթը ձեռքը բանած խկոյն գերեզմանատուն վաղեց, զաւկին մարմինը հոն փոխադրել տալու համար : Քիչ ատեն վերջը, պղտիկ պատով

մը շրջափակել տուաւ այդ պղտիկ հողը . վերջն ալ քար մը դնել տուաւ անոր վրայ : Բոլոր վաստկածը հոդ կը ծախսէր . ամէն ատեն նոր բան մը ունէր շնորհիք, աւելցնելիք, գեղեցկացնելիք այդ տեղին մէջ :

Ու մեռելոցին օրերը, քանի հաս որ մեռելոցի օր կայ տարւոյն մէջ, մնձ ու պղտիկ, ցնծութեան օրեր էին իրեն համար : Առտուն կանուխ կ'ելէր, իր այրի կնոջ արգուզարդը կ'ընէր, լուրջ ու հանդիսաւոր արդուզարդ մը, ու ճամբայ կ'ինար դէպի գերեզմանատունը . պղտիկ տապանին քով չոփած՝ երկար բարակ ու ցած ձայնով կը խօսէր իր զաւկին հետ, անոր մանուկի բարբառովը : Ամէն հեղուն տէրտէրին օրնել կու տար գերեզմանը, հարուստէ մը աւելի առատաձեռնութեամբ տալով օրնողչէքը :

Դարձն՝ երանութիւն մը կար անոր դէմքին վրայ :

— Ո՞ւր գացիր էիր, Տիգրանուհի՛, կը հարցնէին անեցիները, իբրև թէ չգիտսային անոր ուր երթալը :

— Հանը՛մ, զաւկիս գացի, կը պատասխանէր ուրախութեամբ :



Ճ Ե Յ Բ Ա Ն

Ա.

Յարձրահասակ, ձաղկաներ, և արիւնոտ աչքերով. արծուի սպառնացող քիթ մը որ յօնքերէն ուղիղ ու պարկեշտ գիծով մը իջած պահուն, յանկարծ կը զզջայ կարծես, կամդ կ'առնէ, կը գալարուի, կնձիթ մը ձեւացներով հոն: Եւ ամէն ստականները բերելու միացնելու համար այս պատկերին վրայ՝ որպէս զի համապատասխանէ իր իր տիրոջը ահարկու հոչակին, արածադէմ մարդ մը որուն տեղ տեղ չըռունող պեին ու մօրուքը երեսին աղջամղջին սեռոթիւնը կը մատնեն:

Սյապէս կ'երեակայէի ոճրագործը որուն երեսը չէի տեսած դեռ և զոր պաշտպանելու համար կրկին մարդասպանոթեան մը ամբաստանութեան դէմ, կ'երթայի ահա ներկայանալ իդմիտի եղեռնական ատեանին առջե:

Հայտար Փաշայէն շոգեկառքը կը մնինի խոյանալով իր երկարթէ զոյդ դիերուն վրայ. մինչեւ թէնափը ոչինչ կը հետաքրքէ զիս. ծանօթ վայրեր ամէնքն ալ: Յետոց մշակեալ դաշտերու, չէի ու դեղին այգեստաններու մէջ կը նետունիք. իսկ անկէ անդին ծովեղերքը ձեռք կ'առնք նորէն, շարունակ ծովեղերքը այսուհետեւ մինչեւ իդմիտ:

Դեկտեմբերի ցուրսն ու բուքը կ'ընկերանան մէկի. և քովիկնիս, ծովին կանանչ երեսը կ'ուռի շարունակ, կը փշտէ ամէն կողմէն, անհամար պալարներով որոնք մի առ մի կը պայմին, իրենց վերքին ձերմակ թարախը ցուցնելով:

Զախերնիս՝ տարածուող սարսահարթներուն հետ այզիները կը շարունակուին մինչեւ վերջը, հողին գոյները կը փոխուին միայն, կը մթննան, կը մուգանան, չէկը մանկչակի կը դառնայ, սգաւոր մանկչակ մը: Աջերնիս՝ ծոցին դէմի եղերքը ի տես կու գայ, տարտամ առուեր մը նախ, յետոյ ցամաքը ձևացնող լեռները իրենց պատռուած քններովը, հովիտներովն ու սովորաբար լերկ կուզերովը որոշ և յայտնի, որոնց ստորոտ տեղ տեղ զիւզերը կը ճշգումն, արածող երամտիներու պէս:

Առաջին անգամն է որ իդմիտ կ'երթամ. ուղերութիւնը, ծովին ու ցամաքին այլազան տեսարանները չեն զբաղեցներ զիս, ո՛չ: ձամբայ ելլելն ի վեր գուցէ տաններորդ անգամը ըլլալով կը կարդամ ուրին մանրամանութիւնները պատմող պաշտօնագիրները: Ոչ իսկ յոյսի նշոյլ մը: ամէնէն անլուր ունիրը և ամէնէն անհերքելի ապացոյցները, երկու պայմիւն և երկու դիմակ մէջտեղը: մահարեր գնատակներէն մէկը որ ճշգիւ կը պատշաճի ամբաստաններուն հրացանին. նոյն իսկ իր յացարարութիւնները որոնք անհատապի միամտութեամբ ամէն բան կը խոսուովանին:

Եւ ասոնց ամէնուն վրայ պատժական օրէնքի յօդուածին կորուկ — տառական անձուկ իմաստովը — տրամադրութիւնը, որուն կ'ակնարկէ ամբաստանիչ ատեանին տեղեկագիրը և որ այս արիւնալի եղերերգութեան վրայ կը պտըտի, կը սաւառնի, օդին մէջ կախաղան մը ձևացնելով զոր ահա աչքիս առջե. կը տեսնեմ:

Ի՞նչ ընելու կ'երթամ իդմիտ:

Պաշտպանողական սովորական հսարքները աչքէ կ'ամցընեմ մէկիկ մէկիկ: Ուրացում, կ'զգամ որ անօգուտ է: Յիմարութիւնն վերագրել ոճիրը, բոլոր հարցաքննու-

թիւնները կը հերքեն այս ձրի ու անմիտ առարկութիւնը :
Պատժական յօդուածին վրայ խծրճանք մը , բայց մարդապապանութիւնը այն յանցանքներէն չէ որոնց սահմանը վէճ ու առարկութիւն կընայ յարուցանել . մարդապապանութիւնը կոչտ , բիրտ , յայտնի բան մըն է . դիակ մը և ահա ոճիրը : Մեղմացուցիչ պարագայ , բայց ոճրադործը ոստիկան մըն է : Այո՛ , մոռցայ ըսելու որ այս կրկին մարդապապանը Սափանճայի ոստիկանութեան տասնապեսն է :

Կը խորհիմ որ զուր տեղը իմ փաստաբանի համբաւս վտանգի կ'ենթարկեմ այս անկարելի պաշտպանութիւնը ստանձնելով : Շոգեկառքին բոլոր արագութեամբը — մէկ ժամու մէջ երեսուն մըննի արագութեամբ — ստոյգ ու անկանկած սլարտութեան մը դէմ կը վաղեմ :

Կը խորհիմ ինքնիրենս թէ ի՞նչ պիտի ըսեն իզմիտցիները իմ անյաջողութեանս վրայ . ահաւասիկ *Պոլսեցի փաստաբան մը որ իզմիտի մէջ չի կընար յանցաւոր մը փրկել . իրենց ծաղրող ծիծաղներուն ծաղնը կը լսեմ ակրանջիս մէջ :

— Բայց ի՞նչ կարող էի ընել :

Մաիկ չին ըներ ինծիր կը խնդան , կը մարին խնդալէն :
— Ծո՛ , ադ տղան , Պոլսուն ապօւէարը :

Եւ իմ տատաս , այն որ զիս մնծցուցած էր գիրկին մէջ , Հաճի Մարիամը որ այնչափ մնէ գալափար մը ունի իմ ճարտարութեանս վրայ , ի՞նչ պատասխանէ ամէնուն երբ այս դատը կորմացուցած ետ դառնամ . մինչեւ այս վայրկեանը ինձմով լեցուած այդ պարծուկ , անծալք ու անձնուէր սի՞րտն ալ կոսրած ու պարպած պիտի վերադասամ ուրեմն . ես որ իր անձուկ մտքին մէջ քաջարուեստ փաստաբանի մը անհպելի արձանն եմ , պիտի ցայց

տամ իմ կաւակերտ շինուածքիս բոլոր տկարութիւնները ու բոլոր փշրանքները :

Անդիմադրելի մարմաջ մը կ'զգամ անշուկ ետ դաւանալու , աղմկալից ամօթահարութենէ մը խուսափելու համար : Շոգեկառքը կը կենայ : Իզմիտ ենք ահա , դռնակս կը բացուի . ոստիկանութեան պաշտօնեայ մը , որ ինծիր կ'սպասէ քարափին վրայ , ոպայուսակս կ'առնէ կը տանի . մինչդեռ ես սրտադողիս մէջ կը վարանիմ իրեն հետեւելու , կանչեն զիս . կարելի չէ՝ որ ետ դանամ : Հարիւրապեսն է որ զիմաւորելու կու գայ ոյս անդամ , հարիւրապետը որ իր տասնապետը փրկելու համար ջանք չի ինայեր :

Վար կ'իջնեմ ակամայ , կը հետեւիմ իրեն , գլմիկոր ու մոլորած գաղափարներով :

Ի՞նչ ընելու եկայ իզմիտ :

F.

Բանտը ուր կ'երթամ ուղղակի իմ պաշտպանեալս տեսնելու համար , կառավարութեան շէնքին դրան աջ կողմի մասն է :

Գալուստս իմացուած է ամէն կողմ . Հայեր , Զէրքէզներ անցած ճամբուս վրայ ուշադիր կը դիտեն զիս , չօնուիս մը որ փրկութիւն բերել կը խսուտանայ Իզմիտի մեծագոյն ոճրագործին :

Գլուխները կ'երերան , չեն հաւտար , նորէն կը հարցնեն իրարու .

— Ապօւէա՞ :

Բանտին դրան մէջ աղմուկը կը մեծնայ . բոլոր բանապետները մէկէն տեսնել կը վափաքին Պոլսէն

եկող փաստաբանը. կը պնդեն, կը պահանջեն: Տեղի կու տամ անձիս համար ցոյց արուած այս հետաքրքրութեան. ներս կը մանեմ: Թաւարծի ձորձեր հազած մարդիկ, ամէն տարիքէ ու ամէն հասակէ, զիս կը դիտեն. ճանչցողի աշքով ոտքէս մինչև գլուխս, և գո՞ն կը մնան տեսքէս չեմ գիտեր ինչո՞ւ: Համակրութիւնը կը շահիմ այս մարդոց. ու հարցումները կը տեղան չորս կողմէն: Ամէն ոք իր ցաւը եւ տերը կը բերէ. ամբողջ հաւաքածոյ մը. ցուցանանդէս մը ուր պատժական Օրինաւդիրքը կմոդանի պատկերներով կը դասավխօսուի: Հաստիս չափ կը պատասխանեմ կը յուսադրեմ: Բայց իմ մարդի չեմ տեսներ դեռ. կ'երեալ որ ոտքի շղթան քակելու զբաղած են և այս պատճառով կ'ուշանայ: Նորէն կը պոռան իր անունը զոր բանտին խուլ արձագանդը կը կրինէ. կ'երկարցնէ, կ'երկարցնէ.

— Քրանտիւք... Քրանտիւք...

Քովիններս կը ժապտին իմ ապշութեանո վրայ և կը բայցարեն թէ այս տարօրինակ անունը Զէրքէզի պարզ անուն մըն է. անմնցմէ զորս շուրջս կը լսեմ ամէն վայրկեան յորմէնետէ իզմիտ ոտք կոխած եմ:

Վերջապէս Քրանտիւք կ'երեայ. այս մարդը. իրա՞ւ. ո՞րքան հեռու այն արհաւրալից դէմքէն զոր իմ երեատկայութեանս մէջ զծեր էի սուածուց. այս փոքրիկ նիհար դալկադէմ մա՞րդը որ կնոջ մը ոտքերը ձեռքերը ունի և անգլիացի աղջկան մը կապոյտ աշքերը. լայն ուսեր որոնք կը նեղնան իջնելով մէջքին զոր բարակ կաշիէ գօտի մը կը սեղմէ. զինուորական համազգեաստը չի կրեր. նայուածքը անուշ ու տիսուր է. դէմքը պատող հիւծախտաւորի դալուկը տեսնելով. կուրծքէն բխող չոր հազը լսելով որ իր ամէն մէկ բառը կ'ընդհատէ, Քօխ վայր-

կեան մը չպիտի վարանէր իր ներարկումը ընելու համար այս ազնուական հիւանդին փափուկ մորթին մէջ:

Կը բայցարէ ինձի իր գործած կրկին մարդասպանութիւնը՝ ճակատագրին հաւատացողի մը համակերպութեամբ:

— Այս է եղեր Սատուծոյ կամքը:

Նորէն կը դիտես ձեռքը, հիանալու համար մատերուն նրբութեան, անոնց տոհմիկ երկարութեան վրայ, չկարենալով երբեք հաւատալ որ այդ մատերէն ելլէ երկու մահ միանդամայն:

Քրանտիւք մեղմութեամբ կը շարունակէ իր խոստովանութիւնը, հիմայ որ բանտին վերատեսչին սենեակին մէջ առանձին ենք:

— Նիւշ աւազակ մըն էր, կ'ըսէ ինձի:

— Շատ լաւ, բայց միւսը:

— Միւսը սիսալմամբ էր. ես զինքը սպաննելու դիտաւորութիւն չունէի. ճակատագիրը . . . :

— Ինչէ՞ն յայտնի էր որ նիւշ աւազակ մըն էր. և յետոյ, դուն զայն ձերբակալելու պաշտօն ունէիր եւ ոչ սպաննելու:

Քրանտիւք առարկութեանս չի պատասխաներ նախ. վերջը հարցում մը կ'ուղղէ ինձի:

— Ի՞նչ պիտի ընեն զիս:

— Չեմ դիտեր:

— Պիտի կախե՞ն:

— Ո՞չ, ո՞չ:

— Թիապարտութեա՞ն պիտի դատավարտուիմ:

— Գուցէ:

— Ճէյրա՞նը ի՞նչ պիտի ըլլայ:

— Ո՞վ է ճէյրանը:

— Նիւշին կինը:

— Քեզի՞ ի՞նչ ուրիշն կինը :

Երեսս կը նայի զարմացած, չկրնալով մտքին մէջ աղմեցնել իմ յանդիմանութեանս անպատեհ խստութիւնը, կարծելով որ իր հարցման կարևորութիւնը չեմ ըմբռած թերես; Եւ երկու ժամ տեղով մեր խօսակցութեան մէջ այս հարցումը կու գայ տարբեր ձևերով։ Մտերմութիւնիս կ'աւելնայ երթալով, և այն մուժ սենեակին մէջ ուր ատեն ատեն իր տժգունած հիւանդի ու ջղային մարդու երեսը կը կենդանանայ կը գունաւորի, կը լսեմ իր ողորմելի կեանքին բոլոր պատմութիւնը։ Սէր՝ լեռներու վայրենութեան ու սրբութեան մէջ. հուժկու ու կատաղի կիրքը՝ քաղքին ռամիկ, տափակ ու կանացի յանկութիւններուն հանդէպ, հողի այն ահագին զանդուածներուն ու կոյտերուն պէս որոնք իրենց արհամարհանքին տակ քաղաքին հարթ ցածուկ միօրինակութիւնը կ'ընկճն կը ճնշեն։

Գ.

Քրանտիւք Տաղստանցի մեն էր Նիւշին պէս։ Քով քովի մեծցեր էին լեռներու կողերուն վրայ վաղվոտելով շարունակ. բայց չափահասութեան տարիքին՝ մտհացութչնամիներ դարձեր էին յանկարծ իրարու դէմ, աղջկան մը սիրուն համար։

Յետոյ գաղթականութիւնը սկսեր էր դէպի թուրքիա, անհասնում աղէտներով լեցուն ուղերորութիւնը, ուղիսինասու գետի մը յորձանքին պէս իր ջուրերուն հետ թաւալելով, քշելով, տանելով ամբողջ ազգի մը բեկորները, արմատախիլ անտառի մը բոլոր ծառերը՝ ոստերը ու ծիւղերը միասին։

Հոս, Իզմիտի շրջակայքը նետեր էր հոսանքը գիրենք օսմանեան հողին վրայ որ յօժարակամ կ'որդեգրէ այս վտարանդի ցեղերը։ Բայց հայրենի երդիքին յիշատակը, լեռնային ու վայրենի կեանքի վարժութիւնը չի կրնար ի բաց թողուիլ վայրկեանի մը մէջ։ Եթէ շատեր ընդունեցան պաշտպանութիւնը կառավարութեան որ նախախնամութեան մը պէս կը հոգար զիրենք, գտնուեցան նաև ոմանք որ վայրի անսասուներու պէս իրենց թափառական ու անհանդարտ գոյութիւնը պահեցին, ասպատակեր դարձան, իրենց արիւնալի շահատականութեանց արձագանգովը լեցնելով այդ կողմերը։ Նիւշ ատոնց պարագլուխներէն մէկն էր. իր անունն ու սարսափը կը ծանրանար Սափաննայի ամբողջ գաւառակին վրայ։

Քրանտիւք անդին զինուոր կը գրուէր ու սատիկանական անձնուէր ծառայութեան մէջ տամսապետ կ'ըլլար։ Իրեն կ'ինսային միշտ ամէնէն վասանգաւոր ձեռնարկութիւնները, աւաղակները ձերբակալելով դատարաններուն յանձնելու գործը։

Խուլ պայքար մը կար այս երկու մարդոց միջև, տառնապետին ու աւաղակին, ատեն մը եղբօր չափ սիրով, հիմայ մահու ատելութեամբ զինուած։ Այս փոսը որ կը բաժնէր զիրենք, հիմայ անյատակ վիճ մը՝ որ իրենց տաքերուն տակ կը բացուէր, կիոջ մը գործն էր. սամրող տարիներ նախանձով, յուսահաս սիրով պեղուած անդունդ զոր այս երկուքէն մէկուն դիմակը միապն կրնար գոցեր այսուհետեւ, անել կացութիւն մը որ ճակատագրային, անխուսափելի բան մը ունի և որուն երկաթէ շրջանակէն մարդ ողջ չ'ելլեր դուրս։

Երկուստեք հնարքն ու քաջութիւնը կ'ելլէին մըրցումի, գեշերներ լուսցնելով, սպասելով հրացանը ձեռ-

ուղնին, իրարու ճամբուն վրայ, թաւուտի մը ետին պահուլուած, երկուքն ալ դիսնալով իրենց փոխադարձ ոին ու քէնը. լուր զրկելով իրարու թէ առջի հանդիպումն պիտի սպաննեն զիրար, սպառնալիքներ նետելով իրարու մինչեւ որ կապարի գնտակիներ փոխանակէին:

Եւ կուլու կը շարունակէր ապարդիւն, յուսահատեցոցիչ, աւելի ևս գրգռելով իրենց սրիուած ջղերը, անընդհատ արշաւանքն բոլոր յոգնութիւննովը ծանրացնելով — եթէ տեղ կար դեռ — իրենց նախնական հակառակութիւնը, և մոքի ցամանակոծ հալածում մը, պաշարում մը դարձնելով իրենց համար փոխադարձ մահուայս անողութ, անշշուկ սպառնալիքը:

Դ.

Իզմիտի եղեռնադատ ատեա՞նը:

Ատեան թող ըլլայ, թէ որ այս բառը աղէկ կը հնչէ: Բայց իրօք պզտիկ սենեակ մը, մնը տուներուն պարկեշա սենեակներէն մէկը, ուր դատական մարմննը կը բազմի աթոռներու վրայ և որուն դէմ, տեղին անձկութեան մէջ, ամբաստանող և ամբաստանեալ, վկայ և ունկնդիր իրարու քով կը շարումին:

Դատավարութեան ժամանակ չլսուած անուններ ու լեզուներ կը լսուին. Տաղասանի դաւառապարբառները զորս կը թարգմանեն և որոնց յառաջ բերած չփոթութիւններէն, հակասութիւններէն կը ջանամ օդտուիլ:

Հարցաքննութենէն վերջը ոճիրին պարագաները կը

ճշդուին ամբաստանադրին մէջ, դատական լեզուին հակիրճ ու անզգայ պարբերութիւններովը:

Սափաննայի ոստիկանութիւնը կանխապէս կ'իմանայ նիւշի այն գիւեր իր գիւղը դաւնալը: Քրանտիւք քանի մը հեծեալ ոստիկաններով աւտուան դէմ կը հասնի, կը պաշարէ աւաղակին ապաստանած իրձիթը: Գաղթականներուն գիւղը հսացանի ձայնով կ'արթնայ. սխալմամբ մէկը կը զարնուի և այս չփոթութեան մէջ աւաղակը պատուհաննէն կը ցատքէ, կը փախչի: Կը հալածէն նիւշը, Քրանտիւք կը յաջողի մօտենալ անոր անտառին մէջ ու կ'սպաննէ զայն:

Սյո ընթերցանութիւնը, Զէրքէղներուն ձայները պղտիկ սենեակը մահանոտ բուրումով մը կը լեցնեն, և ես կ'երեւակայեմ անտառը որ չի կրնար փախատական զաւկին ապաստան ընծայել այս անդամ. Երկու ոստիններուն մենամարալ, այն՝ որուն յամառ ժամադիրները եղած էին. մութին մէջ կու մը. Կոլկասէն մինչև իզմիտ երկարող արկածներուն, շարունակելի յօդուածներուն վերջին բառը տասը տարուան անցեալ մը որ մէկ երկվայրկեանով մը կը կտրի կը դադրի. կիրքերու հոծութիւն մը որ կաթիլ մը արեան մէջ կը լուծուի կը հալի. մըցումներու գոեհիկ վախճանը, քաղաքակրթութեան մէջը կամ դուրսը. Երկուքին մէկի վերածումը:

Եւ համոզմամբ, խղճի մտօք ահա կը ձեռնարկիմ պաշտպանութեանս գժուարին գործին, և, այս է մոքի մը զարմանալի յեղափոխութիւնը, որ վատահօրէն կը իսոսիմ հիմայ և ամբաստանեալին արձակուիլը կը պահանջեմ: Աւաղակին սպաննութիւնը՝ ընկերութեան համար այնքան դառն կողուաստ մը չէ, և վերջապէս գժբախտ տամնապետը լուրջ ընդդիմութեան մը դէմ զէնք գործածելու հարկա-

Դրուած էր անշուշտ : Այս պահուս ինքը պիտի ըլլար սպանեալը եթէ չսպաննէր : Եւ ատեանին բարեացակամ արամադրութիւնները տեսնելով կը քաջալերուիմ, ու սատիկանին անշուք ու անշուկ կեանքը կը պատմեմ անոնց . անփառունակ զինուորական որ պատերազմի դաշտը ու անոր պատիւը չի տեսներ, բայց կը տեսնէ ամէն ժամ մանու վտանգը . որ գիշեր չունի, հանդիստ չունի, գոյութիւն չունի իրեն յատուկ, և որ ամի՞ն զըրկումի վրայ կու գայ հոս՝ ոտքը ձեռքը շղթայակապ՝ համար տալու իր դժնդակ պաշտօնին : Կ'զգամ որ ամբաստանութիւնը կը տկարանայ, ջուրը կ'իջնայ, Սխալմամը ի գործ դրուած միւս սպանութեան ամբաստանութիւնը ձեռք կ'առնեմ և կը յայտարարեմ որ տասնազետին ութամսեայ բանտարկութիւնը կը քաւէ այդ յանցանքը :

Ե.

Դուրսն ենք . ես, միւսը, ամի՞նքս : Ներսը կը խորդակցին, կը վիճին, թեր ու դէմ կարծիքներ կու տան : Քրանտիւքի դլուխը վիզին վրայ կ'երերայ, աջ ու ահեակ կը ծռի . պիտի փրթի՞ արդեօք . երեսս կը նայի դատապարտած ոչխարի մը նայուածքն քաղցրութեամիլը . այդ նայուածքը հարցումներ ունի, որոնց չեմ կարող պատասխանել . ես ալ տասնապետը դողացնող յուզումներուն մասնակից եմ, հոս այս անկիւնը քաշուած, ու սրտաշրոփ կ'սպասեմ :

Կէս ժամ . ոչինչ դեռ . ներսը ձայներ կը բարձրաւ նան ու զիս սարսավով կը համակին : Կ'աղաչեմ, մի՞ ընէք . որի՞ հետ կը խօսիմ :

Ժամ մը, ու կը շարունակին խորհրդակցիլ . ձայները կը մեղմանան, չեն լսուիր ա՛լ, համաձայնած են . ինչի՞ վրայ արդեօք :

Ու յանկարծ զանգակին ձայնը, սուր, ուժգին, սարսափելի հսչիւն մը, որ շունչս կը կտրէ մէկէն . տասնապետին տժդոյն դէմքը կը կարմրի . ամէնքը սենեակէն ներս կը խուժեն ինձմէ առաջ, անհամբեր, ա՛լ չհանդուրժելով սպասել :

Ես ալ կը մտնեմ վերջապէս : Զնստած դեռ իր աթուին վրայ՝ նախագահը կը վարանի . ամբաստանեալին ներկայութիւնը կը ստուգէ . գէշ նշան :

Եւ դատավճիռը կը կարդայ, համառօտ գիր մը, չորս տող, որ կեանք կամ մահ կը բերէ հետը : Առջի պարզերութիւններէն դեռ բան չեմ հասկնար . գլուխս դէպի առաջ՝ բառերը աւելի շուտ լսելու յիմարական ջանքեր կ'ընեմ . շո՛ւտ, աւելի շո՛ւտ, եզրակցո՞ւր :

Անձնապաշտպանութիւն : Փրկուա՛ծ ենք :

Բանտ կը դառնանք նորէն, ցնծութեան աղաղակներու, ողջագուրումներու մէջ : Քրանտիւք չի խօսիր, ձեռքս կը բռնէ կու լայ ու սենեակին պատէն վար առնելով Զէրքէզի դաշոյն մը, ինձի կը նուիրէ զայն :

Ի՞նչ ընեմ ես այդ դաշոյնը : Քրանտիւքի բազմավէպ կեանքին անբաժան ընկերը, հո՛ս, տան մը, սրանի մը կահ կարասիներուն մէջ՝ անվաս զարդ մը, խաղալիք մը պիտի ըլլայ այսուհետեւ : Իր դաշոյնի կեանքը վերջայած է . կիները ձեռուընին

պիտի առնեն գայն երթեմն, չհասկնալով անոր լեզուէն, չըմբռնելով՝ իրենց աղկաղկ ու աշխարհիկ կիրքերուն անզօրութեանը մէջ՝ այս երկաժի կտորին՝ սիրոյ հետ ունեցած մշտնջենական ինսամութիւնը և չտեսնելով այդ անզգայ գործիքին մէջ՝ սուրբ ու վայրենի տոչորումներու նախանձոս պահապանը :



ԹԵԹԱՐԻԿ

Ա.

Սրալան Պէկէն, -իզմիտի շրջակայ լեռներուն մէջ կորսուած գիւղէ մը, - եկաւ մեր տունը գիւղացիի շալվարով, մաղերը ժողված, առանց թել մը դուրս ձգելու, սեւ եազմախն տակ. տգեղ երեւալու, հրապոյր չազդելու հաստատ ու բարբարոս կամք մը :

Գլխէն մինչեւ ոտքը զինքը ծածկող սեւերուն մէջ՝ դէմքը, ճերմկոտիկ աշացին անարիւն կաղմուածքի դէմք մը, վաստառող սպիտակութիւն մը, ձիւնի մաքուր ցոլացում մը ունէր, ցուրտ ու պաղ:

Սշխարհիկ արդուզարդէ ու վայեչութենէ այս խուսափումն մէջ, - իր նոր մեռած էրկանը յիշատակին նուիրուած անձնաղութիւն մը, - այս երիտասարդ կինը

սփոփանք մը գոհացում մը կը գտներ, և ասով՝ ինքնիրենը անդրաշխարհային կապ մը կը յօրիներ, կը ձեացներ, գերեզմանէն անդին կեցող մէկու մը, բացակայ, աներեւովթ էակի մը հետ, դեռ եւս անոր հաճելի ըլլալու, անոր նախանձոտ կամքին հաղատակելու տարտամ դիտաւորութեամբ, իր հագուստին այս կամաւոր անշնորհքութիւնը տեսակ մը ոչըրանք կ'ըլլար՝ պահուըտած տեղէն զինքը դիտող ամուսնին հանդէպ, իրու թէ երիտասարդ այրին ըսել ուզէր անոր.

— Քեզի համար միայն փափաքած եմ գեղեցիկ ըլլալ և ոչ ուրիշի:

Տանը մէջ՝ իր սպասուհւոյ պարտականութեամնը մէջ ամփոփուած կին մըն էր, սակաւախօս, միավանկ բառերով միայն պատասխանելով մեղի, երբ պատասխան տալը անհրաժեշտ դառնար:

Զէր ինդար, չէր ծիծաղեր. ու գիշերը ճաշէն վերջը խկոյն կ'առանձնանար իր խուցը, մերկ, անզարդ, խրստակեաց ճգնաւորի մենաստանին պէս, ու հոն կը նստէր ժամերով, ժամերով, գիւղը ձգած զաւկին համար հիւսելով անհատնում գուլպաներու զոյդեր:

Բ

Օրն ի բուն կ'աշխատէր, իր գործին հետամուտ, շալվարին ծալքերուն մէջ ճարպիկութեամբ դառնալով, աւլելու, մաքրելու, սրբելու յատկացուած գործունէութեամբ մը, ինսամոտ ու հոգածու, բազմոցին վրայ թել մը, հայելիին վրայ փոշի մը չձգելու չափ:

Իր ըոլոր ջանքին հակառակ, իմ սենեակս միայն

չկրցաւ կարգի կանոնի բերել . օրը տասն անգամ կը շտկէր ու տասն անգամ կ'աւրշտկէի իր բոլոր տանտիկին խնամքին արդիւնքը . զգեստներս հոս կը նետէի ու ճերմակիելչներս հոն , գիրքերս ցիրուցան բազմոցին վրայ կամ գետինը անկիւն մը ձգուած . և այս բոլորը հարիւր անգամ իր տեղը կը դրուէր , ժամ մը վերջը առջի վիճակին վերադաւալու համար : Մը լուսմ մը կար կարծես իր անսպառ հողածութեանը ու իմ անկարգութեանս մէջ Զէր դանդաստեր , եթէ երբեք իր լուիկ մնջիկ աշխատութեան անօդուտ բազմապատկութիւնը դանդաստ մը չէր ինքնին իմ տուած նեղութեանս համար . ո'չ , չէր դանդաստեր . ընդհակառակը , ա'լ աւելի կը յամառեր հիմայ , իր համբերաստարութեամբը ամչցնելով զիս , և ներողաւանութեան անհունութեանը մէջ ծածկելով իմ անառակ սրդիի անդութիւնս :

Կ'զգայի որ վայելուչ չպիտի ըլլար կատակ ընել այս երիտասարդ սպասուհին հետ . կը յարդէի իր համբ գործունէութիւնը , իր անկեղծ սուզը , ու եղբօր մը պէս կը խօսէի հետը ամէն անգամ որ բան մը հրամայել պէտք ըլլար , քաղցրութեամբ , գրեթէ գգուանքով .

— Բուզում Մարիս'մ :

Գ.

Մարիամ կը կոչէինք զինքը : Մայրս ուրիշ անուն չը ընդուներ սպասուհիներու համար . իր բուն անունը Սշխէն էր և այս կրկնամկատութիւնը որուն կ'ենթարկուէր ահա առաջին քայլէն , օտար տուն ծառայելու սկածին պէս , իր բոլոր անցեալին , իր գոյութեան , իր անհատա-

կանութեան ուրացման պէս տպաւորութիւն մը կը թողուր իր վրայ : Ոչ իսկ կը յարգէին իր անունը . օտարականներ՝ անփոյթ անզգայ կ'արտաքսէին զինքը իր եսէն դուրս . խօսելու նոր ձեւեր , հազուելու նոր տարագներ . կ'առաջարկէին իրեն , ապապրելով իրեն թողուլ ինչ որ գիւղէն բերած էր հետը , անունէն սկսելով մինչեւ կօշիկները :

Եւ չէր հանդուրժեր այս նուաստացման . իր այդ անունը որուն չէին հաւաք Պոլսեցիք , Սրուանպէկի տղոց էն հաճելի անունն էր : Իր ձեւերը , զգեստը , շալլարը գիւղն մէջ ամէնէն չնորհալի կինը հանդիսացուցեր էին զինքը մինչեւ այն ատեն , և ահա պէտք կ'ըլլար իր վայելչութեան բոլոր յալթահակները սանակոսն ընել մի առմի , անոնց ծիծալելի ըլլար խստավանիլ :

Ես՝ երբեմն Սշխէն կ'անուանէի զինքը ու կը վազէր կու գար ձայնիս , ձգելով ձեռքի գործը , բոլոր անեցիներէն զիս գանելով իր հոգեկան վիճակին գիտակից , պարձենալով որ իր անունը Պոլսեցի պատանէի մը համար սիրուն ու հաճելի կրնար թուիլ :

Ա'լ կը սկսէինք խօսիլ իրարու հետ . ևս Սրուանպէկ մեռած էրկանը , գիւղը ձգած զաւկին վրայ տեղեկութիւն կ'ուզէի :

Մեղմիւ կը պատավանէր , սիրաը բանալով . վիրաւոր , խոցուած սիրտ մը որ ափոփուիլ չէր ուզեր , թերես անոր համար որ այդ խոցուանքը տանելի բան մը , սովորութիւն մը , պէտք մը գարձած էր զոր ի բաց թողուլը գժուարին պիտի ըլլար , ճիշդ ինչպէս սիկառի վարժուող մէկը ծխելէ ետ կենալ ուզեր օր մը :

Դ.

Հիմա ա'լ աւելի փոյթ կը տանէր սենեակիս, որուն պարտէզին նայող պատուհաններուն վրայ՝ վարէն բարձրացող վարդմնին՝ փոխն ի փոխ ճերմակ ու կարմիր ծաղկէ մեհեւանդներ կը յօրինէր :

Ցորեկները իմ բացակայութեանս կու գար հոն աշխատութիւնը վերջանալուն, մինակուկը հիւսելու իր անաւարտելի գուլպաններուն շարքը, վարդերուն սաստիկ ու հեղձուցիչ հոտին մէջ :

Բարեկամական խրատներ կուտար ինձի, հսազանդ աղափինի ու սրտի մօտ անձի խրատներ, թուղթերս գետինները ձգելուս համար :

—Մեղք ես, էֆէնտիս, աչքի լուս ես թափեր :

Աչքի լոյս միայն . եթէ գիտնար թէ սիրաը ինչե՞ր չէր յանձնած այդ փոշոտած ճմրթկած թուղթի կտորներուն . եթէ գիտնար որ պատանութիւնը՝ իր բոլոր անմեղութիւնը, երիտասարդութիւնը՝ իր բոլոր հաւատքը թափած էր հոն ու, ատոնցմէ գուրս, սույիկ տղայ մը միայն ահա կը մնար, հալոցէ անցած մետաղի կտոր որ իր նախանական վիճակին բոլոր պէտիտութիւնը կորմնցուցած է, միանոյլ, անխառն, անողոք բան մը դառնալու համար . եթէ գիտնար . . . Սպատուհին ուրիշ բան չէր գիտեր բաց եթէ գիշերուան վերադարձիս, այն ժամուն ուր ամէնքը կը հանգչին, իմ աշխատելս ճերմակ էջի մը վրայ ճռած, մաքուր սպիտակ թուղթի իմ սրտիս պէս՝ որ հետղնետէ կը մրուեր, կը սենար, կը զարդարուէր, իրը թէ սեռութիւնը ըլլար իր շաբարը :

Եւ մեղքնալով չգիս, սոգին մատներուն վրայ կը քալէր առառւն, աղմուկ չընելով քովս, լաւ մը իջեցնե-

լով սենեակիս վարագոյրները, պատիր ու արհեստական գիշեր մը ձեւացնելով շուրջս, զիս քիչ մը աւելի քնացած տեսնելու բաղձանքով :

Արթննալուս ուռեցած աչքերով, յանդիմանսութեամբ լեցուն նայուածքը կը քաղցրանար, ու կը վաղէր խոհանոց, նախաճաշիս պատրաստութեամբը, քնատութեամս կորուսը դարմանելու հաշիւով :

Ե

Երբեմն ալ մօրս միջամտութեանը կը դիմէր զիս կարգի բերելու և առողջութեանս հակելու ստիպելու համար զիս :

—Հանրմս, ըսէ՛ որ գիշերները շատ չնատի, հոգին չքակէ գրելով :

—Գուն ալ գուլպայ կը շինես, կ'ըսէի ծիծաղելով :

—Ես զաւկիս համար կ'աշխատիմ, ես միւխան եմ: Եւ անմիջապէս իր ձայնը կը փոխուէր, դէմքին սովորական թախիծը կ'աւելնար Արաւանպէկ եղած զաւկին յիշատակին՝ ուրկէ կարծես բանօրամալի ձեռվ, անցեալն կու ետեէ, համբիչի մը հատիկներուն պէս . իր ամուսնութիւնը հազիւ երկու տարի տեսած, էրկանը հիւսնդութիւնը, ունեցած չունեցածնուն սպառիլը հիւանդութեան թիւնը, ու սույն անունը պէս կ'առաջանալու մէջ, զիւղը մնացած զաւակը և վերջապէս օտարի գուռ իշնալը, ինչպէս կ'ըսէր ինքը . այս ամէնը կը տեսնուէր իր տիսուր նայուածքին մէջ, կը զծազրուէր իր դէմքին թափանցիկ, արտայայտող մորթին վրայ, իրարու-

ետեէ, ամբողջ կառախումք մը ցաւերու, կակիծներու.
ու խօսակցութիւնը կը դադրէր։
Յետոյ դիտողութիւն ընկը կարգը ինծի եկաւ։
—Աշխէն, ալ հանէ՛ սա ժալվարը։
Կ'ամչնար, շրջաղդեստը՝ իր մատնանիշ ընող ձեւեւ-
րովը, խօստովանող՝ զբեթէ անպատկառ բան մը ունէր իր
երկուս աչքին։
—Կ'ամչնամ։
Կ'զգայի որ դիմաղբութիւնը կը թունար։ իր
աղեղ երեալու որոշումը կ'իյնար հաղիւ թէ քանի մը
շարաթ կանգուն մնալէ ետքը, և իր հաստատամիտ գիւ-
ղայի երկարու շեշտը «կ'ամչնամ» բառին վրայ կը մարէր
կը հատնէր։

Զ

Շրջաղդեստը յեղաշրջում մը բերաւ ու վայլեց իրեն։
նախ, բնավայրը, կլիման կորմնցնող մէկը դարձաւ։
մշջքը շատ նեղ եկաւ իրեն ու փէշը շատ լայն։ առջի օրեւ-
րը չկրցաւ շարժիլ։ մասնաւոր ուշաղբութիւն մը կ'ընէր
ծիծաղելի ըլլալու համար իր քաղցւածքին մշջ։ չփակը՝
կուրծքին նորհալի մանրամանութիւնները ի յայտ բե-
րելուն՝ ամէնքը իր լանջքին ականատես եղածի տաղա-
ւորութիւնը կը թողուր իրեն։

Իր գեղեցիկութեանը այս ծագումին առջև ամէնքս
ապշեր էինք. ինքը՝ իր ալուորութեան համար տրուած
վկայութիւնները լսելով կը կարմրէր, գլուխը ծռելով
մեղմիւ ուսին վրայ։

Ու քիչ քիչ աւելի վայելուչ երեալու ջանք մը սկսաւ
ընկել։ զարթում մը եկաւ իր սրտին մշջ. ինքն ալ գիտէր

Պոլսի հանըմներուն պէս գեղեցիկ ըլլալ, սիւս ընկել. իր
գիւղացիի պարզմտութեամբը սպասուհիի զիրքին մէջ
ունեցած պղտիկ միջոցներովը՝ պչրանքով լեցուն արդու-
զարդ մը ունէր հիմայ. միշտ մաքուր հագուած ու սանտ-
րուած էր օրուան ամէն ժամուն. մութ կապոյտ եազ-
ման, դէպի ետև շրջած, հազիւ թէ կը կենար պղտիկ սի-
րուն կապով մը ու կ'ապառնար ամէն վայրկեան վար սա-
հիլ ուսին վրայ, բոլորովին արձակելով անոր առաստ մա-
զերուն կոհակները, մինչդեռ մաս մը ճակտին, մինչեւ
աչքերուն վրայ կը թափիեր, կամայ թէ ակամայ, ու վարը,
ծոծրակին քով նուրբ աղուտամազի թաւիչ մը՝ մորթին կա-
թի ճերմակութիւնը ցոյց կու տար իր նոր բուսած մար-
գագեանի մեղկ ու կակուղ խաւերուն մէջէն։

Ու հոտեր կը քսուէր, անծանօթ ու բոլորովին տար-
բեր մեր գիտցածներէն, հազիւ թէ զգալի, որոնք իր
մարմնին արտարուրումը ըլլալ կը թուէին. և այս շնա-
կան իւղազօծութիւնը մեր քաղքենիի հոտաւորումներէն
աւելի խորհրդաւոր ու մեղկ ու ցանկացուցիչ բան մը
ունէր։

Ե.

Այս արդուզարդի սերձանքը ու խռովիչ ձգտումները
բոլոր ինծի համար էին. իր սրտի հին վերքերը սպիացած
կը թուէին հիմայ բոլորովին ինձմով լեցուն այդ հոգւոյն մէջ։

Իր սէրը դողանար և շինուա բան մըն էր, անձնու-
րացում մը ամբողջ, կատարեալ. անձնուրացում մը որ
չի բարբառիր ու քեզի համար ըրած զոհողութիւնները
երեսիդ չի զարներ ապերախտութիւնդ ցոյց տալու հա-
մար. ո՛չ, զբեթէ դաղմնի ու ծածուկ զգացում մը որ իր
ասստկութեանը համար կ'ամչնայ, կը պահուըտի, երկրա-

շարժ մը որ հրաբուխի բոլոր սաստկութիւնը ունի առանց
անոր աղմկալից ու բոցավառ արտայայտութիւնները
ունենալու :

Բան մը չէր պահանջեր իր սիրոյն փոխարէն, ոչ իսկ
իմ սէրս. իր բոլոր ուզածը թոյլտուութիւն մըն էր յա-
վատեան զիս շրջապատելու իր անհուն խանդաղատան-
քովը, հակելու վրաս, թող չտալով որ հիւնդանամ, իր
իր խնամքներէն շնուռած տեսակ մը խանձարուրի մէջ ամ-
փոխելով իմ բոլոր կեանքս ու շարժումներս, որպէս զի-
ցաւ մը կամ վիշտ մը չունենամ երբեք :

Սյապէս ամիս մը տեւեց. գետինը կը նստէր միշտ
ծունկիս վրայ թափելով իր սեւ մազերը, ածուխի կո-
տրտուքի պէս փայլուն, ու ձեռքերուս գգուանքին տակ
կը հպարտանար, կ'ուռէր, փայփայանքէ ախորժող կա-
տուի մը պէս :

Յետոյ ձանձրացայ — քսան տարու էի այն տատեն ու
անկեղծ սիրոյ մը յարգը չէր գիտեր — այս հովուերգու-
թենէն. այս աղախնին անձնութիւննը անտանելի լու-
ծի մը ձեւը կ'առնէր քիչ քիչ. փախչիլը անհնար էր իր
խնամող խանդաղատանքէն. հիւնդանոցի մէջ գտնուե-
լու պէս բան մը կ'զգայի ու աղատութիւնս վերստա-
նալու ապարդիւն ջանքեր կ'ընէի :

Բան մը չէր հասկնար իմ խուսափումներէս. իր
միամտութեանը մէջ կը խորհէր անշուշտ որ գէշութիւն
մը ըրած չէր ու պատճառ մը չունէի իրմէ երես պահելու.
ու չէր գիտեր թէ ճիշդ իր սիրոյն մեծութիւնն էր որ
զիս կը ճնշէր այն ամառուան պայծառ օրերուն պէս որոնց
ջերմութեան ու անդորրութեանը մէջ կը խեղդուիս :

Զէր գիտեր խեղձը որ մեզի խարեբայ գգուանքներ,
կեղծ հրապոյրներ պէտք են, խենթեցնելու համար մեզ

սիրով. չէր հասկնար որ իր անմեղ անձնութիւնը
ձանձրութիւն պատճառէ. բայց գիտէր, կ'զգար որ կը
հեռանայի իրմէ ու փորձ մը փորձել կու գար, վերջին
ջանք մը չխղելու մեր մտերմութեան կապերը :

Երբոր սենեակէս մտաւ տեսայ որ իր արդուղար-
դին բոլոր հրապոյրները շեշտած, բազմապատկած էր այն
օրը՝ հաճելի երեւալու համար աչքիս: Միշտ այն գեղե-
ցիկ կինն էր, բարձրանասակ ու ձերմկոտիկ, իր երերուն
քալուածքովը որ նազանքի կը նմանէր. իր եղնկիկ
մեծ մեծ բացուած աչքերուն մէջ արտմութիւն կար.
բայց իրմէ առաջ թէֆարիկի ուժգին հոտ մը ծա-
ւալեցաւ օդին մէջ. ծանրատաղտուկ հոտ մը որ չնշա-
ռութիւնը կ'արգիլէր :

Ինչպէս եղաւ որ այս հեղձուցիչ բուրումը բաւական
եղաւ ինծի ատելի դարձնելու այս կինը. ցարզ բարու-
րանքին մը պէտք ունէի արդեօք ամէն յարաբերութիւն
գաղրեցնելու համար իրեն հետ, թէ ոչ հին ատենի կա-
նանց յատուկ այս խողօծումը իր չնորհներուն, իր ար-
դուզարդին բոլոր շնծու կողմը, ծիծաղելի հանդամանքը
երեւան հանեց. չեմ զիտեր, թէֆարիկ. ուսկից գտաւ
թէֆարիկը. ու ինքը բերանը չբացած գեռ, ես պուացի
հոռուէն, բարբարոս ու վայրենի ձայնով մը .

— Ի՞նչ հոտ է ատ վրադ. գնա՛ լուացուէ շւտառլ:

Բառ մը չկրցաւ պատասխանել. դրան առջին գամ-
ուած մնաց, չկրնալով առաջ գալ, երես նայեցաւ ապ-
շած, չըմբնելով որ ճնշին յանցանքի մը համար այսքան
անողորմ գտնուիմ իրեն դէմ. վարանստ կեցաւ հոն, պա-
տերազմը մէջ զարնուած զինուորին պէս որ վիրաւոր-
ուելէն ետքը գեռ քիչ մը ատեն կանգուն կը կինաց ու
յանկարծ գետին կը փոռի:

Ը.

Ի՞նչ կ'ուզէք որ ձեղի ըսեմ ասկէ աւելի. Կ'ուզէք
անպատճառ լսել վերջին բառը այս միամիտ սիրոյ պատ-
մութեան :

Շաբաթ մը հիւանդ պառկած էր իր խուցին մէջ,
սաստիկ թոքատապով մը որուն ևս էի միակ պատճառը.
խոհանոցին մէջ գիշեր ատեն վերէն վար լուացուեր էր,
աղատելու համար թէֆարիկի կազուն հոտէն, իմ սրատ-
ուերիս համաձայն. ու Տօքթօրը, բարեկամ մը քան թէ
բժիշկ մը, կը զարմանար այս գիւղացիներուն տարօրինակ
սովորութիւններուն վրայ :

— Խենթ է, ի՞նչ է այս կինը. խոհանոցին մէջ կը
լուացուին :

Զէի պատասխաներ և բժիշկը կը յամառէր իր զար-
մանքին մէջ, ու իմ ալ կարծիքո առնել ուզելով, կը
կրկնէր շարունակ :

— Ի՞նչ կ'ըսես, խենթ չէ :

Ես, մահուան վտանքին առջև ահարեկ՝ իր կրանքը
փրկել կը խորհէի միայն :

— Պատի ազատի, Տօքթօր :

Ութը օր ամբողջ այս տագնապին մէջ անցուցի, յետոյ
ապաքինութիւնը սկսաւ, դանդաղ ա'յնքան որ նոր հի-
ւանդութեան մը կը նմանէր :

Հիմայ երբ երթայի սենեակը որպիսութիւնը հարցնե-
լու, իր անուշ նայուածքը դեռ անհուն գորովով կը զե-
զուր. յանդիմանութեամբ չէր նայեր երեսս, ու կարծես
ա'լ աւելի գոհ էր հիմայ, անհճութիրութեան նոր ապա-
ցոյցով մը ա'լ աւելի երախտապարտ լնելուն զիս : Առ-
նելիքոր ըլլալ կ'ուզէր այս կինը իր զոհողութիւններուն

մեծութեամբը, առնելիքոր մը որ քաղցր խօսքի մը փո-
խարէն իր բոլոր պահանջը ներելու յօժար ու պատ-
րաստ է :

Երբէք չխօսեցաւ հետս այն օրուան դէպէքին վրայ
զոր բոլորովին մոտցած էր կարծես. բայց իր տկարու-
զութիւնը կ'երկարէր ու չէր վերապահնար առջի ուժը:
չիւծում մը կար որ կ'սպառէր զի՞նքը մեղմիւ, տակաւ-
առ տակաւ, ու բժիշկը դլուխը կ'երեցինէր, չարադու-
շակ նշան, առաջուց գիւցուած, գուշակուած աղէտի մը
ներկայ գտնուելու ձեռով . թոքատապէն վերջի անխու-
սափելի ցաւն էր այս նորեկ հիւանդութիւնը որ անընդ-
հատ ջերմով ու բարակ քրտինքով մը կ'սկսի :

Ց

Մեռաւ իր զիւղին մէջ ուր զրկեցինք զի՞նքը բժիշ-
կին պատառէրին համաձայն. մեռաւ անհուն խղճի խայլի
մը թողլով սրտիս որ ահաւասիկ տասը տարի վերջը կը
թելադրէ վարանող գրիսս, ու իմ կամքիս հակառակ ա-
ռաջ կը մղէ զայն գրով պահելու անշահասէր, աննման սի-
րոյ մը դէմ ցուցուած ապերախտութեանս յիշատակը :

Ու կը խորհիմ որ կենաքը լեցուն է այս կերպ աղէտ-
ներով. իրար չնասկնալէ առաջ եկած ցաւեր որ անդարմա-
ներով. իրար չնասկնալէ առաջ եկած գորովներ հո՛ս հո՛ն թափուած,
նելի կ'ըլլամ. անսպառ գորովներ հո՛ս հո՛ն թափուած,
անօգուտ ու աւելորդ ցատուելով, և փճացնելով սէրը
զօր պէտք էին ամնալ ու տեական դարձնել. նպատակէն
շեղած ապառումներ, իրարու չնասկնախտախանող երթեեկ
մը զոհողութեանց որոնք, փոխադարձ չըլլանուն համար,
մը զոհողութեանց որոնք, փոխադարձ չըլլանուն համար,
կը վատնուին ու խղճի տառապահնքներով լեցուն յիշա-
տակներ կը թողուն միայն :

Ս Ա Ռ Ա

Ա.

Այր ու կին, թէ քոյր և եղբայր . չեմ գիտեր :

Երկուքն ալ մեղամոմի գունատութիւնը ունին ,
որուն վրայ շէկ ու դուռզ մազերնին ոսկիի ցոլքեր կը
թողու . միեւնոյն դիմագիծը , երեսի միեւնոյն ձուածեը ,
երկուքն վրայ ալ նուրբ ու քնքուշ բան մը :

Շողենաւին մէջ ուր իմ մօտիկս նատած են , երիտա-
սարդը վեր դարձուցած է բալրօին մուշտակաւոր օճիքը
ու հորը ինկած աչքերէն՝ նայուածքը անմպատակ կը թա-
փառի պատուհանէն դուրս , ծովուն վրայ : Զի խօսիր ու
գլխու շարժումներով միայն կը պատասխանէ իր ընկե-
րուհին , առանց դիտելէ դադրելու ծովը որ իր բոլոր
ուշադրութիւնը գրաւած կը թուի :

Մնիկա , ընդհակառակը , առողջութեան խրոխատ ար-
տայայտութիւն մը ունի . մօղագոյն բուրդէ յշլազգեատ
մը հագած է , իր բնական գոյնին հետ՝ միօրինակութիւն
մը կաղմնլու համար կարծես : Նիհար ու բարձրահասակ
կին մըն է , բարակ մէջքով ու տարօրինակ կերպով ուռու-
ցիկ լանջքով մը որուն դուրս ցցուած երկու սուր ան-
կիւնսերը՝ իրենց հիմերուն վրայ թաւալած զոյգ մը վրան-
ներու տալաւորութիւնը կը թողուն :

Ամբարտաւան նատուածք մը ունի որ կը վայլէ իրեն ,
առքը ոտքին վրայ , երիկ մարդու մը պէս . պահ մը կը հոգնի
և ոտքին դիրքը կը փոխէ , ու մետաքսի շշիւն մը կու դայ

ալատմուճանին տակէն , ներդաշնակ ու փայփայող նուա-
գի մը պէս , բեհեղէ հանողերձեղէններու ձայնը :

Այսպէս նատած , գիրք մը կարդալու տուած է ինք-
ոնքը . էջերը կը դարձնէ հետզհետէ տենդու ձեռքով
մը , երբեմն ընթերցումը կ'ընդհատէ , հիւանդին բառ մը
ըսելու , պարբերութիւն մը ցուցնելու համար . ժամե-
լով , ծիծաղելով իր մունջ բարեկամը խնդացնելու ,
անոր մույլամած ճակատը պատող արտմութիւնը փարա-
տելու յայտնի ջանքով մը :

Այս իմաստու հոգածութիւնը այդ վէս ու խիզախ
կնոջ քով՝ հսկայ ծառի մը վրայ բացուած փափուկ ծառկի
մը ներգործութիւնը կը թողու ինձի : Կ'զմայլիմ վրա-
նին ու նորէն կը հարցնեմ ինքնիրենս .

— Այր ու կին , թէ քոյր և եղբայր :

Բ .

Բրինքիբոյի մէջ ճանչցայ զիրենք , մեծահարուստ
հրեայ ընտանիքէ մըն էին : Էրիկը իր հօրեղօրորդին էր ու
անոր հիւանդագին վիճակը գիտնալով Սառա՝ ամուսնա-
ցեր էր հետը . երբեք ասիկայ արգելք մը չէր նկատած
իրենց ամուսնութեանը : Ի՞նչ փոյթ , կրնազին մեռնիլ . օր
մը չէ նէ օր մը պիտի զատուէին աշխարհէս . կ'արժեր
հաշուի դնել ասիկա : Սպանեօլի տաք արիւնը կը խաղար
երակներուն մէջ . ու սիրոյ մէջ ալ նորէն հրեայ շա-
հականդրի յանդուզն իմաստափրութիւնն էր որ ժառան-
հակինդրի յանդուզն իմաստափրութիւնն էր որ ժառան-

հականդրի գոխանցուեր ու մտեր էր այս գեղեցիկ կնոջ
հոգւոյն մէջ :

Կարգուեր ու երջանիկ եղեր էին . բայց երթալով

ա'լ աւելի սաստկացեր էր այն մաշող հիւանդութիւնը որ
իր երիտասարդ ամուսինը կը հատցնէր :

— Ենայէ՛ էրկանդ, ըսեր էին իրեն :

Իր ախտալարակ խառնուածքը չկրցաւ երբեք հան-
գուրժել այս պատուէրին. արտաքին ցուրտ ու անտար-
բեր երևոյթին հակառակն էր ներսը ու երկու տարուան
մէջ զիրենը այրող հուրը ճշմարիտ աւերութներ գործեր
էր էրկանը վիճակին վրայ. օդափոխութենէ՛ եթէ ոչ
բժշկութիւն՝ գէթ բարւորում մը կ'ակնկալէին : Ու հի-
ւանդապահի մը պէս կ'ընկերանար ահա իր ամուսին,
ամերդ ինսամքի, գուրգուրանքի մինողորափի մը մէջ
պահելով զայն, ճշշդ ինչպէս կանխահաս ծնունդով աշ-
խարհ երկանաները՝ արհեստական գաղջ մինողորափի
մը մէջ կը մեծցնեն :

Բայց փոքրիկ բարելաւութիւն մը ամէն խոհեմութիւն
մոռցնել կու տար իրենց ու նորէն անուղղայ շռայլի մը
վարժութեամի կը վատնէին այս չնչին դրամաղլուխը :
Յետոյ, զզջումը կու գար և հիւանդը վերստին կաղդու-
րելու անդուլ աշխատութիւնը :

Աղէկ բարեկամ եղանք ամուսին հետ ու շատ հեղ
կ'երթայի իրենց տունը զոր նլադանայի կտղմը ընտրած
էին, հիւսիսէն փախչելով : Պատուհանին քով իր լայն
թիվսաթուխն մէջ ընկողմանած հիւանդին աչքը դուրմն
էր . ի՞նչ կը խորհէր արգեօք . կնոջ երեսը չնայելու տար-
տամ դիտաւորութիւն մը կը գուշակէի . դժգո՞հ էր ան-
կէ . անոր վրդովիչ ներկայութեամբ՝ չէ՛ ունմաներ քիչ մը
այն մնանկ խաղամոլին որ ձեռքը զբանը կը դեգերի
հիմայ, ուրիշներուն ձգելով սեղանը որուն ատենալ բախ-
տաւոր գահերէցն էր :

Այո՛, ուրիշներուն պիտի թողուր այս կինը, իր սպա-

ոիչ հրապոյրներովը որ հիմայ տարտամ կերպով մը կը
յիշեցնէր ինծի այն հոյակապ ապարանքներէն մէկը որուն
տէրը մեկնելու հարկադրուած՝ կանխահոգ հեռատեսու-
թեամբ ինքը մէջը եղած ատենէն պիտակ մը փակցնէ սա-
բառերով

Դ Ա Խ Ո Ւ Տ Ո Ւ Ն

Գ.

Իր բազմաթիւ սիրոյներուն մէջ ամէնէն վեհերո-
տը ես էի . համարձակները կային, ձեռներեցները, քը-
նողները, պահանջողները, ամբողջ հաւաքածոյ մը, տե-
սակ մը սիրահարներու թանդարան : Ինծի՝ վերջապահին
մէջ աննշան անկիւն մը միայն տրուած էր . ոչ մէկուն
համար հաշուրի առնուելիք մրցակից մըն էի . ոչինչ ունէի
Սառայի պէս արտակարգ կնոջ մը առջև չնորհ գանելու
համար . իմ՝ աշխարհի սրդողած իմաստասէրի խոլումնե-
րըս անշուշտ իր ջիղերուն կը դպչէին ու անկառ խօսքե-
րըս, որոնք ցիր ու ցան մտածումներուս ցոլքերն էին,
շահեկան բան մը չէին կրնար ըլլալ իրեն համար :

Սնդին՝ իր շուրջը մարդիկ կային որ նրբամտութեան
հեղեղներ կը թափէին . հանճարեղ բառերով, անակնկալ
պատրաստաբանութիւններով կը իմնդայնէին իր անտար-
բեր դիցուհի դէմքը : Ամէնուն կ'ըսէր միշտ :

— Երիկս հիւանդ է ու պիտ չունիմ :

Ասով իմ սրտիս ա'լ աւելի կը մօտենար, վասն զի
ևս ալ կը սիրէի այս հիւանդը : Բանաստեղծի ու արուես-
տապէտի խառնուրդ մը կար այս մարդուն վրայ և ազ-
տապէտի խառնուրդ մը կար այս մարդուն զի ազդէր
նուական բան մը որ համարում ու պատկառանք կ'ազդէր

ինծի : Եւ աեսնելով երիտասարդ կինը՝ հաւատարիմ իր սիրոյն ու անձնութիրութեանը մէջ, ի՞մ սէրս ալ պարզա-
պէս հիացումի կը փոխուէր ու անմոռունջ կը պաշտէի
զինքը անմատչելի ու անմիթ արարածի մը պէս : Դո՞ւ էր
երես չտալուն համար զինքը շրջապատող մարդոց որոնք
անկարեկից կը մտնէին այս տունը, իրենց փողկապին
հանգոյցը, շապիկին անդիմ սպիտակութիւնը ցուցնելով :

Սառա առաքինի կին մըն էր, աշխարհային երանու-
թենէն իր արդար բաժինը առած ու վայելած կին մը՝ որ
իր իրաւունքն աւելի չ'ուզեր և գիտէ իր սրախն ու իր
մարմնին իշխել :

Այսպէսով իր բարոյական նկարագիրը մեծնալուն հետ՝
իմ պաշտումն ալ կ'աւելնար իր անձին համար . իր քա-
լուածքը կը ճանչնայի ոտնաձայնէն . իր թաշկինակը կը
զմնազանէի ծաւալած հոտէն . իր փոքրիկ սովորութիւն-
ները, քմահաճոյքները գոց գիտէի վաղեմի բարեկամի
մը պէս :

Ու արգահատանքս հիւանդէն աւելի առողջին կ'եր-
թար . մեղքցուելիքը այս մանկամարդ կինն էր որ իր
անսպատ գորովի գանձերը անտես թաղելու ու իր երի-
տասարդի իղձերը ու դողերը զսպիլու արիութիւնը ցոյց
կու տար :

Դ.

Հիւանդին վիճակը հետզհետէ կը ծանրանար ու
Սառայի անձնութիրութիւնը նոյնքան աւելի մեծ կ'երեւար
աչքիս . հիմա դուրս չէր ելեր էրկանը սենեակէն . երբեմն
ես ալ կը գտնուէի հոն . բերանը բերնին կը կինար մինչև

վերջը, հիւանդին նչառութիւնը խառնելով իրենին : Այս
չափազանց զոհողութիւնը ճշմարիտ խելագարութեան մը
յանգելու վրայ էր . էրկանը հետ մեռնիլ կ'ուզէր անշուշտ .
անդին ալ անոր հետ ըլլալ, ինչպէս հոս եղած էր, և իր
անհատնում վայելքները անոր պահել միայն : Այո՛, այս
էր իր գաղափարը :

Մնաս բարովի մը ատեն մինչև սանդուխին մօտ կ'ընկե-
րանայ ինծի ու առիթը բարեպատեհ կը նկատեմ բառ
մը ըսելու, զգուշացնելու համար զինքը :

—Վախկո՛տ, պատասխանեց ինծի, ձեռքերս թօթ-
վելով, վախկո՛տ, այդպէ՞ս երիտասարդ ես դուն :

Ամօթէս ու զայրոյթէս գեղնեցայ :

—Բու անձիդ համար միայն վախկոտ եմ, ըսի իրեն .
անսար որ ես այն հիւրերէն չեմ որ հիւանդէն կը փախէին
չաղկուելու համար . ես ամէն վայրկեան ամուսինիդ-
քովը գտնուած եմ : Եթէ գուն չես փախչիր իրմէ, այդ
քու պարտքդ է արդէն, դուն անոր կինն ես, ես . . . :

—Այդ ինոնջը սիրողը, միննեց ականջս ի վար :

Զեռքս չթողուց ու ես ծոեցայ համբուրելու համար
փս բոնոր մասները :

—Ո՛չ, ըստ հեռանալով, չ'ըլլար :

Յետոյ, տեսնելով ցաւած դէմքս, մեղքցաւ անշուշտ
ու մատովը՝ խորհրդաւոր նշան մը ընելով աւելցուց .

—Վերջը :

Ե՞րբ :

Իրիկուան՝ սրտատրոփ նորէն եկայ :

—Վերջը ըստ ինծի :

Ամէն նիւթի վրայ խօսեցանք . անվմասա խօսքեր
միայն ըսի կարծեմ . խելքս վրաս ըլլալու չէր . մեկնելու
ժամուն կ'սպասէի ակնդէտ . դուրս ելայ :

—Վերջը, վերջը, ըստ նորէն Սառա ու ճամբու
դրաւ զիս:

Միշտ այսպէս կ'ըսէր ինծի ու այս անդուլ յետաձը-
գումը՝ մերժումի քաղաքավար ձեւ մը միայն նկատած էի:

Սմբող ամառը անցաւ ասանկ ու ես ալ չէի յիշե-
ցներ իրեն խոստումը. բայց ան չէր մոռնար ու ամէն
առթիւ միւնոյն բառը կու գար իր շրթունքին վրայ:

—Վերջը:

Ե՞րբ արդեօք,

Ե.

Վերջին վայրկեանները հիւանդինանուշ մրափի մը
նմանեցան: Մահը մեղմիւ եկաւ, պայծառութիւն մը բե-
րաւ կարծես թէ այս տժդոյն դէմքին: Գլուխը բարձին
դրած, աչքերը կիսափակ՝ ճիշդ միւնոյն մարդին
էր որուն չորս ամիս առաջ չողենաւին մէջ հանդի-
պած էի: Իր ոսկիի կարմրութեամբ ցոլացող մազն ու
մօրուքը՝ պատուհանէն եկող աստուան ճառագայթներուն
տակ կը խայտան կարծես ու անդոյ կեանքի մը պատ-
րանքը գեռ կու տան երեսին: Մեռաւ. և ևս գլխիկոր
ու առշած՝ առջի հեղ կը տեսնեմ մանը հոս աչքիս առ-
ջեւ, հանդարս, շքեղ, դրեթէ հրապութիչ: Սաւանի պէս
պարզուող ծովի երեսն է ան, մաքուր ու միօրինակ
հաղարսութեամբ մը ծածկելով պարապութիւնը:

Սարսափը չի բաներ զիս. արհաւիրք չեմ զգար այս
հրեայ երիտասարդին տեսքին քով, այլ զարմանքով կը
լեցուիմ. ինչ է այս պառկող մարդը: Հարցում մըն
է թէ Պատասխան մը: Յետոյ, անզգութարար աչքերս կը

լեցուին. Սառա քովս է բայց չի լար. կը կարծեմ որ իր
վիշտին մեծութիւնը կ'արգիլէ զինքը արտասուելէ, այն շատ
լեցուած ամաններուն պէս, որոնք Մջելով չեն թափիր:

Սեւեր հագած է որոնք իր մեղրամոմի դէմքին ան-
փայլ ձերմիւթիւնը կը ցոլացնեն. քովս կու դայ ու իր
բուրումնաւէտ թաշկինակովը աչքերս կը սրբէ:

Այս վայրկեանիս, այս մահուան սենեակին մէջ բոլո-
րովին մոռցած եմ զինքը. բայց ան իր ներկայութիւնը
յիշեցնել կու տայ ինծի, ձեռքս կը բռնէ նորէն, ճիշ-
պէս ամիսներ առաջ կեցուցած էր զիս մնկնելու ժամուս:
կը տեսնեմ որ աչքերը անսովոր փայլով մը կը ցոլան,
մութիւ մէջ կատուի աչքերու վառելուն պէս, դեղնորակ
լոյսով մը:

Իր քովը կը նատեցնէ զիս բռնի, ու ակնարկութիւն
մը ընկելով իմ առջի թախանձքներուս.

—Ճիմա՛յ, կ'ըսէ յանկարծ:

Եւ այս սենեակին մէջ կը բացատրէ ինծի, իրաւա-
գէտի մը պէս փաստերով զինուած, իր կեանքի ըմբռ-
նումը ու պարտաւորութեան գաղափարը:


Երկանը հաւատարիմ եղած էր ցորչափ կինդամնի էր
անիկա. մազի չափ չէր թերացած իր անձնութիրութիւն
անիկա. մազի չափ չէր թերացած իր անձնութիրութիւն
ու պարտքին մէջ: Ինչ պէտք թերանալու. չէր
կրնար համբերել. անոր կեանքը՝ իւղը հատած պատ-
կրնար համբերել. անոր կեանքը՝ իւղը հատած պատ-
կրնար այնքան անսիրտ ըլլալ որ անոր մարելուն չսպա-
կրնար այնքան անսիրտ թիւն ցոյց տար. ո՛չ, անոր հա-
մար վերջը ըսած էր միշտ:

Ու ահա ասանկ կը մեկնէր իր պարտականութիւն-
ները, թուաբանական հաշիւ մը լուծելու պէս:

Տրամաբանութիւն կար իր խօսքերուն մէջ, բայց
սիրո չկար ու չեմ գիտեր ինչո՞ւ պարզապէս ահարկու
ու ռամիկ թուեցաւ ինծի այս ըմբռնումը՝ որ ապաքէն
բոլոր աշխարհի մարդոց սովորական ըմբռնումն է:

Լաւագոյն սեպեցի անոնք որ առանց հաշիւի կը
թերանան քան թէ անոնք որ Սառային պէս, հաշիւնե-
րու չնորդիւ, անթերի կը հանդիսանան մեր աչքին:

Քովիկնիս երկնցող այս դիսկին մօտ այս դաւանու-
թիւնը վրդովեց, սարսափեցուց զիս: Խղճիս ձայնը
արթնցաւ անժամանակ խօսող աքաղաղի մը պէս, ու
մերժեցի զինքը:



ՄԱԳԴԱՂԻՆԵ

Ա.

Զարհուրեմի կերպով շպարուած ըլլալուն հակառակ՝
իր տասնըօթը տարու աղջկան չնորհը տակաւին երեսին
վրայ էր: Իր ծարուրած աչքերը մուայլ ցոլացումով մը կը
փայլէին, այնպէս որ ակնարկը զքեզ չօշափելուն՝ թափշի
կակուզ հպումին տպաւորութիւնը կը ձգէր մարմնիդ վրայ:
Մազերը առատ ու չքեղ, դեղինի ներկուած, ո՛վ գիտէ՝
ատեն չունենալուն կամ ուրիշ պատճառով մը՝ յարդար-
ուած չէին: Արձակուած թափուած այսպէս ուսին վրայ՝
կարծես անոնց ծանրութեամբ էր որ զլուխը դէպի ետ կը
ծռէր քիչ մը:

Յոռի ճաշակով պոռչտող բան մըն էր արդուղարդը.
Կապոյտ դիսկակէ փէս մը, կարմիր մետաքսէ վերիդիով
մը ամբողջացած. ծանրագին կերպաւներու սէր որ իր
զրկուած արարածի միամիտ վրիժառութիւնն էր տիկին-
ներու դէմ:

Պարարտ ու չնորդալի կազմը այս կնոջ՝ անպատկառ
կերպով հոլանի կուրծքէն, շարունակ վար սահաղ սեւ
գուլպաները շտկելու, տեղը բերելու համար ըրած յարա-
տեւ ջանքէն կը յայտնուէր: Ինքն ալ ցանկայարոյց կեց-
ուածքի մը հրապոյրները կ'աւելցնէր անոր վրայ, գիտա-
կից ու ջանադիր լրբութեամբ մը:

Բ.

Զորրորորդ յարկի խցիկն կէսը կը գրաւէր իր անկողինը, լայն, խորունկ ու ընդարձակ, որ իր սաւաններուն երկբայելի ճնշմարտիւամբը՝ մտածել կու տար հոն առաջնորդուովը։ Այդ անկողնին վրայ նետած նայուածքէս գուշակելով իմ վարանքս կը համոզեր զիս, վեր տոնելով, մէկիկ մէկիկ ցուցնելով վերմակը, բարձին երեսը դեռ նոր լուացուած, կ'ըսեր ինձի, լեզու թափելով ապրանքը քչել ուզող վաճառականի մը պէս։ Ու բռնի նըստեցնելով իլիս անկիւնին սլլտիկ սէսիրին վրայ, խընդաշով տշով մը պէս, գրկելով գլուխս, կ'աւելցնէր,

— Պարնեմ քեղի անգամ մը։

Եափայարձակը ինքը կ'ըլլար, պղնիկ ձգելով իմ պատանի մարդու նոր սկսող յաւակինութիւններս։

Վարժ աղջիկ մըն էր որ իմ անփորձ տղու վեհերուտութիւնս փարատել կը ջանար իր գգուանքներուն համոզիչ ու շքեղ փաստերը մէջտեղ նետելով։

Իր մարմին բուրումը՝ չեմ գիտեր ինչ Ակող, ուանուշ հոտ մը մասուցումը կը չեցտէր։

Այս տանը մէջ, կ'ըսէր ինձի, ամէնէն սլլտիկը ես եմ. Զատկին տաննը եօթս սլիտի լինցնեմ։

Ճիշդ քափս նստած էր, կատուի մը պէս պղտիկնալով, գրեթէ սեղմուելով կուրծքիս վրայ։

Հինդ վայրկեանի մէջ արդէն մտերմացած հետո, կը հարյախորձեր զիս. ոլ ըլլալս հասկնալ կ'ուզեր։

Եւ առանց սպասելու որ իմ պատմութիւնս ընեմ՝ ինքը իրենը կը զրուցէր ինձի, հինդ բառով պատմուելիք սուփորական ու խաւարային պատմութիւնը իրենալէսներուն։

— Երկու տարի առաջ մայրիկս մեռաւ, — այս «իկս»

ին մէջ ամհուն դորովանք մը ու թախիծ մը կայ. — հայրս չեմ ճանչնար. ինէ երկու տարու պղտիկ քոյր մը ու աւելի պղտիկ եղբայր մը ունիմ. մէյ մըն ալ մեծ մայր մը ունիմ. ասմանք են իմ բոլոր աղղականներս. քոյրս ու եղբայրս դպրոց դրած եմ. ամէնքը ես կը պահեմ։

Այս վերջին բառին մէջ իր ընտանիքի տէր ու գլուխ եղող անձի պատասխանատուութիւնով լիցուն հապաւութեան շշտը կը դնէ։

Ատկէ դուրս իր քրոջը խօսքը հոս՝ ամօթով լեցուն այս միջնորդուին մէջ՝ թող չխար որ ըլլուի. խստաբարոյ ու աշալուրջ մօր մը ձեւը կ'առնէ դէմս. կը ծիծաղիմ քիչ մը վրան. բայց կը տեսնեմ որ իսկոյն կը խոժոոի եր աղուոր ճակատը։

Յետոյ, վախնալով որ վիս չափողցնէ,

— Գոցենք այս խօսքերը, կ'ըսէ ինձի։

Իր շրթունքը նորէն կը փակչին իմիններուս եւ եր մարմնին բոլոր բեռը վրաս կը ծանրանայ պահ մը։

Գ.

Այս օրը այսքան եղաւ մեր բոլոր ճանչուորութիւննը. իմ թախսանձանըներս ասկէ աւելի գոհացում չստացան։

— Ի՞նչպէս կրնայ ըլլալ, Աւագ շաբաթով, կ'ըսէր զարմացյած, դուն քրիստոնեաց չես։

Իրօք Աւագ շաբթուան մէջն էինք։

Պահք կը բռնէր անիկա ու վերջին օրն ալ ծոմ պիտի պահէր։ Իր ջերմեռանդ ու մեղաւոր աղջկան համոզումներուն տարօրինակ զիրկընդիսանումը կը պարզէր

ինձի։

— Ո՞ր օր սրբութիւն պիտի առնես, հարցուց յանկարծ :

— Զեմ գիտէր աղէկ մը, պատասխանեցի. դո՞ւն ո՞ր օր պիտի առնես :

Երեսս նայեցաւ ապշած՝ կարծես ասանկ անհարկի հարցում մը ուղղելուս համար :

— Հիշ մեզի հաղորդութիւն կուտա՞ն :

— Ինչո՞ւ չտան :

Քահանայի մը չափ գիտէր անիկա բոլոր կարգը կանոնը ասանկ բաներուն, ու քահանայէ մը աւելի խստապահանջ էր ինչպինքին համար :

— Զեմ կրնար հաղորդութիւն առնել քանի որ վերջը դարձեալ մեղք պիտի գործեմ, կը բացատրէր ինձի : Ի՞նչո՞վ պիտի ապրիմ ես. քոյրս, եղբայրս, ծեր եաեաս պիտի ապրեցնեմ. զզջումս սուտ զզջում մը պիտի ըլլայ :

Այս պատիկ սենեակին մէջ՝ արտասանուած այս լուրջ խօսքերը ինձի մասածել կու տան :

Ամէն անոնց, կ'ըսեմ ինքնիրենս, որոնք իրենց ապրուստի սկրմունքովը մնող մը գործելու, սուտ մը խօսելու հարկին մէջ են, եթէ Եկեղեցին իր հաղորդութիւնը զլանար, ի՞նչ պիտի ըլլար ասոր վերջը. ո՞ր վաճառականը, ո՞ր խանութպանը, ո՞ր օրագրողը ու ո՞ր փաստաբանը, նոյն խակ ո՞ր Եկեղեցականը հաղորդութիւն առնելու իրաւունք պիտի վայելէր. չէ՞ մի որ հետեւեալ օրը իրենց առօրեայ կեանքին պիտի վերադ առնան անոնք : Ոչ ո՞ք սակայն մտքէն անցուցած է Եկեղեցւոյ սուրբ խորհուրդներէն այս մարդիկը զրկել :

Աղջիկը կը զրկէր, կը համբուրէր զիս անընդհատ :

— Բանի՞ տարու ես դուն, կը հարցնէ ինձի :

— Քսան տարու :

Անձնատուր իր գգուանքներուն՝ մտքովս կը շարունակեմ առարկութիւններուս երկար շարքը : Եկեղեցին՝ իր արդի ձեւին տակ, իր զանազանութիւններուն ակներեւ անիրաւութեամբը, մարդկային քան թէ երկնային հաստատութիւն մըն է. մարդոց բոլոր թիւր վճիռները հնն ալ կը ալիրապետեն ինչպէս այլուր :

Աղջիկը վերջին համբոյր մը կու տայ :

— Ես ժամ պիտի երթամ, կ'ըսէ ինձի. Զատկէն վերջը եկուր, բարեկամ ենք, չէ՞ : Գալուդ պէս հոս զիս հարցուր :

Ու պչանքով մը, որ մէջերնիս հաստատուած համակրութեան օծումն էր, կը պահանջէ .

— Ուրիշի հետ չպիտի տեսնուիս, խօսք տո՛ւր :

Խօսք կու տամ, քսան տարու երիտասարդի խօսքս :

Անձէ վերջը տարիի մը չափ սկրեցինք իրար :

Անուս, ռամիկ, բայց սրոտի տէր աղջիկ մըն էր . իր սիրողներուն թիւը չկար . ամէն ազգէ, տարիքէ ու դասակարգէ մարդիկ մոլորած՝ կու գային հոս . ալեւորածները ինչպէս հազիւ պեսները բուսած տղաքը, կու գային ամէնքը իր սիրովը յափշտակուած :

Բայց մանաւանդ ստորին դասէ մարդոց մէջ իր անոնք, իր գեղեցկութիւնը նախճիրներ կը գործէր :

Պատճառը այն էր գուցէ որ այս տարօրինակ աղջիկը ուղղամտութիւնն մը ունէր իր վաճառիկ սիրոյն մէջն ալ :

Իմ գէմս, երբոր քիչ մը աւելի մտերմացանք, իր տգիտութեանը վրայ կ'ամինար, բայց երբե՛ք իր վիճակին համար : Անհուն ինսամքով ու գորովով մը իր պատիկ

քրոջ ու եղբօրը վրայ կը շարունակէր հսկել հեռուէն, ծախելով շարունակ իր մարմնին ճոխութիւնները, առանց զո՞ողութիւն մը ըրած ըլլալու գաղափարը մտքէն մազի չափ անցընելու :

Դ.

Բաղմութիւն մը աղտոտ ու ստորին մարդոց կը խոնուէր դրանը առջեւ . գողեր, մարդասպաններ կային անոնց մէջ, ամէնքը կը հրչչտէին իրար, առաջ անցնելու ջանքով մը, կը լեցուէին իրարու վրայ՝ հետաքրքիր : Յետոյ ոստիկաններ եկան թուղթ ու կաղամար ձեռքերնին, կատարուած ոճիրը արձանագրելու համար :

Քոյլիններուս հարցուցի այս հաւաքումին պատճառը : —Աղջիկ մը զարկին սա տանը մէջ, ըսին ինծի : Նախազգացումն որ բնաւ չի խաբեր, զիս դող հանեց, միջոց մը գտայ ձեղքելու այս մարդերէ ձեւացած պատնէշը : Վեր վազեցի խալոյն, մեր չորրորդ յարկի պղտիկ խուցը. տնեցինները հոն հաւաքուեր էին . բժիշկ մը վերջին պահուն եկած, անկողնին վրայ ծռած էր :

Հոդ, այդ անկողնին վրայ տարածուած տեսայ զինքը վերջին անդամ: Իր սովորութեան հակառակ ամբողջ ձերմակներ հագած էր, ձիւնաթոյր ու շայուցիչ . ու միայն լանջքին վրայ ձախ կողմը շապիկը կարմրած էր պղտիկ բոլորակով մը, այդ անբութեան վրայ բայցուած վարդի մը պէս :

Զիս տեսնելուն ժպիտ մը դժուարաւ գծագրուեցաւ իր դէմքին վրայ: Բժիշկը անցյս վճռեց անոր վիճակը: Ինքը հաղորդութիւն առնելու փափագ յայտնեց ու մէկ

երկու հոգի խակոյն եկեղեցի վաղեցին, բայց տէրտերը մերժեց գալ:

Յետոյ մահը վրայ հասաւ . դանդաղ, հանդիսաւոր ու մռայլ բանը, վերարկուն՝ ուր նախախնամութիւնը հոգածու ձեռքով վաթթեց բոլորեց այս աղջիկը, որուն՝ մարդոց ճղճիմ հաշիւնները ու սխալ գատաստանը ամէն սփոփանք զլացեր էին Ս.ատուծոյ անունով :

Իր պղտիկ քրոջմէն ու եղբօրմէն զատ ոչ ոք անոր անունը տուաւ մէյ մըն ալ:

Ե.

Այս հին դէպքը պատմելուս, անցեալները՝ բարձրաստիճան եկեղեցական մը, աստուածաբան ու կենցաղադէտ մարդ, մանրամասն հասկցուց ինծի կրօնական պատճաները այս զլացումին: Հրապուրուած աղջկան եւ պունիկին զանազանութիւնը ըրաւ . սա պարագային մէջ եկեղեցին ասանկ կը տնօրինէ, ըսաւ ինծի, սա միւս պարագային մէջ ալ անանկ: Բացատրութիւններ տուաւ որոնք նուրբ թուեցան ինծի. վկայութիւններ բերաւ որոնց դէմ ըսելիք մը չգտայ: Իր փաստերը՝ բարբարոս ու վաւերական՝ չհամոզեցին զիս:

Ու միշտ աչքիս առջեւն է մահիճը լայն ու խորունկ որ սենեակին կէաը կը գրաւէր, լայն ու խորունկ որուն մէջ՝ կարմիր վարդ մը կուրծքին՝ այն աղուոր կինը կը քնանար:



Ա Յ Բ Ի Ւ

Ա.

Գիշեր էր, նոյեմբերի արտում ու խոնաւ գիշեր, ուրուն մժութեանը մէջ ընկղմած էր Բերայի Մեծ Փողոցը իր քարաշէն ու բազմայարկ ապարանքներով: Փոշի պէս բարակ ու ասեղի պէս սուր անձրեւ մը կու դար ու կը լուար ամայի և թափուր քարայատակը: Կալաթա Սերայի պահականոցին դէմ, երկու կառապան՝ յապաղած անցորդ մը գտնելէ յուսաբեկ՝ ցուրտէն պատապարուելու համար իրենց կառքին մէջ կը մրափէին: Մարդ չկար ու այդ աղմղալից փողոցի մխորէն ուրիշ բան չէր մնացեր բայց եթէ առջի իրիկուրնէ ի վեր տեղացող անձրեւին աննդհատ ձայնը իր յուսահատական միօրինակութեամբը: Հեռուէ հեռու, ուղիղ ու լայն ճամփուն բոլոր երկայնութեամբը, մութին մէջ կը տեսնուէր շարք մը կարմիր ու արիւնագոյն կէտերու՝ որոնք կաղերուն տամուկ ու դողոջուն լոյսերն էին:

Քաղինօները, բաֆէ շանթաները եւ ուրիշ զբօսավայրերը շատոնց գոցուած էին. անոնց տեղ, հոս՝ մսավաճառի, հոն՝ կաթնավաճառի խանութ մը իր դուռը կը բանար, և մութուն ելլելու վարժուող այս խանութ-պաններու աշկերտները՝ դեռ նոր արթնցած, կէս քուն, կէս արթուն, կանթեղի լոյսով գիշերէն կ'սկսէին իրենց օրական աշխատութիւնը:

Զայն ձուն չկար դեռ ու գիշերապահը տասներկու կը զարնէր փողոցին հնչուն մայթին վրայ: Պատի մը տակ, մարդ՝ մը՝ անշուշտ խաղատան մը մէջ ունեցածը չունեցածը կորսնելէ ետքը, կծկտած էր լուսնալուն սպասելով, պառկելու տեղ մը գտնելէ յուսակտուր, վասն զի այս հիւրընկալ փողոցը սոտակ չունեցողներուն համար չէ: Ասդին անդին քուրչեր հաւաքող մարդիկ, լապտեր մը ձեռքերնին, լոիկ ու գլխահակ, իրենց ուսի կողովը կը լեցնէին:

Բայց հետզհետէ մութը իր խստութիւնը կը կորսնցնէր. Կալաթա Սէրայէն վար վաճառատոններուն մէջ ձայներ կը լսուէին ու քիչ քիչ անցորդներ երեւան կ'ելլէին փողոցին մէջ: Բանջարեղիններով ու կաթի ամսններով բեռնաւորուած ձիեր հանդարտաքալ կու գայնն, կ'անցնէին վիզերնուն կապուած զանդակներուն ձայնովը արթնցնելով քարուկիր շէնքերուն արձագանդը:

Հիմայ ա՛լ լուսնալու մօտ էր ու Բերայի տուները կը ճշդուէին ստուերամած հորիզոնին վրայ. ձայները երթաւով կը շատնային. խանութներու երկաթէ փեղկերը կը շարժէին. կանուխ ելլող սպասաւորներ, պահապաններ, փեղկին մէջ բացուած դռնակէն դուրս կ'ելլէին ու վաճառատուններու առջեւի սպաքարերը կը մաքրէին խանութին ներսը աւելիէ վերջը բոկեր, կաթ ու սալիկ վաճառողներ պոռալով կ'սկսէին իրենց առտուան առուտուրը, այդ ծառաներուն, բեռնակիրներուն ու պահապաններուն բերելով աժան գինով նախաճաշ մը. « բարի լոյս» եր կը փոխանակուէին դրացի մարդոց մէջ:

Բ.

Մութին հետ ելաւ Մարտիրոս։ խաճնութը աւլեց, առջի օրուընէ անկարգ թողուած տուփերն ու ծրաբները տեղը դրաւ, վաճառատան մեծ ապակին սրբեց ու երկաթեաց վեղիները բայցաւ։ Քիչ մը վերջը ա'լ բոլորովին լուսցած էր, գործաւորներ, արհեստաւորներ, ամէն ազգէ ու ամէն կարդէ, Պողիս կը դիմէին ու Մեծ Փողոցը կը զարթնուր, կը շարժէր այս անցուդարձով։ կամաց կամաց խանութները կը բացուէին, ապակիները կը մաքրուէին, գրագիրներ իրենց պաշտօնին, կար կարող աղջիկներ իրենց գործին գլուխը կու գալին։

Առառու էր։

Վեց ամես ի վեր այս մաղաղային մէջ կ'աշխատէր իր հօրեզրորը տեղ որ տառը տարի իբրեւ բեռնակիր ու պահապան ծառայելէ վերջ հայրենիք վերադարցած էր, Մարտիրոսը թողլով իր տեղը։

Տամնընը տարու կար չկար բարձրահասակ ու մենծ մենծի էր, ինչպէս կ'ըսեն կիները, բայց իր թուխ ու գեղեցիկ դէմքը պատաստութեան փափկութիւնը կը պահէր տառական դրոշմը տանելով հանդերձ, սեւաներ ու սեւաչուի էր, քաղցր, վեհերոս եւ տղայակոն ըսն մը ուներ իր նայուածքը, լայն ու դուրս ցցուած կուրծքը իր հզօր ու հպարտ իրանին բոլոր առաւելութիւնները ցոյց կու տար, Կապոյտ չուխայէ ձեռք մը հագուստ շինել տուեր էին իրեն որ աղէկ կը վայլէր իր կորովի ու առոյդ մարմնին, ջլապինդ բազուկները հաղուազիւտ ուժ մը պէտք էին ունենալ, մինչդեռ կարձ ու ամփոփի փոխա-

նին զանգապանը ազդրերուն հարուստ ու բարեձև լեցունութիւնը կը հաստատէր։

Բերայի մէջ նորութիւն մը եղաւ այս նորեկ պահապանը, կիները հիացան ու սքանչացան այս երիտասարդին վրայ, որուն ամէկոտ համեստութիւնը նոր ու կանաց համար միայն հասկնալի հրաւորը մը կու տար իրեն։

Վաճառատան համար ձգողութեան պատճառ մը եղաւ այս պատանի մարդը, ինքը միայն չհասկցաւ այն հետաքրքիր ու մանրախոյզ նայուած քները որոնց ենթակայ էր, ամէնքը համակրելի կը գտնէին զինքը ու չէին քաշուեր բացէ ի բայց իր երեսին ըսելու այնպիսի մնաւատալի համարձակութեամբ մը որուն վրայ կը զարմանար։

— Ամուսնացած ես, կը հարցնէին իրեն ամէն կողմէ։ Ու հաստատական պատասխանին վրայ, որը կը ցաւէր, որը կը ծիծաղէր, այս Պողմեցի կիները կատակը կը սիրէին։ այնպիսի լիմար բաներ կը տեսնէր որոնց վրայ հաղիւ իր խնդուքը կը զսպէր։

Առանց բացորոշ բան մը գիտնալու, իր նրբամիտ դրսեցիի բնազդումովը կ'ըմբռնէր սակայն որ իր նպաստաւոր ընդունելութիւնը աւելի վայելուչ մարմնին կը պարտէր քան թէ իր աշխատութեանը։

«Յուէնթան»ի վաճառատան մէջ առջի օրերը Մարտիրոսի համար ապշութեան, զարմանքի ու սքանչացման օրեր եղան։

Այս բազմայարկ ու փառաւոր շէնքը, իր հազար ու մէկ բաժանումներովը, օձապտոյտ սանդուխներովը, ճոխութեամբը, յաճախորդներու անընդհատ հոսանքովը, պղտիկ բայց երանելի քաղաքի մը ազդեցութիւնը ունեցաւ իր վրայ։

Առաւուընէ մինչեւ իրիկուն սակիներու, մէծիտիէնեւներու հնչիւնն էր որ կու գար դրան մօտ դրուած անզանին կողմէն, ուր յատուկ պաշտօնեայ մը տումարներու վրայ ծռած՝ անհաւատալի դումարներ ժողվելու միայն զբաղած էր:

Յաճախորդներ, մած մասամբ կիներ, համարձակ, երեսնին բաց, ամէն ազգէ, գլխաւորապէս Ֆրենկիներ, մինչեւ անգամ թրքուհներ ու հայուհներ, շպարուած ներկուած, միշտ գեղեցիկ ու ալ աւելի գեղեցիկ լինելու հետամուռ՝ կու գայլն անվերջանալի պահանջներով վէճերով զբաղեցնելու բոլոր խանութը:

Ի՞նքը՝ հոն կանգուն էր, շուարած, բան մը չհասկընալով այս տարօրինակ ու միջազգային լեզուէն զոր կը խօսէին եւ այս առուծախէն որուն օգտակարութիւնը չէր ըմբռնէր: Յետոյ ինքն ալ վարժուելով քիչ քիչ այս բուրդէ, մետաքսէ, ասուիէ, շղարչէ, թաւիչէ ծրաբներուն զորս մէկ օրէն միւսը, այս կանանց շրջազգեստը դարձած կը տեսնէր, տակաւ առ տակաւ հասկնալով այս ամէնը, ֆրանսերէն բառեր շարունակ լսելով ու սորվելով: Պարապ չէին թողուր զինքը խանութին մէջ, անընդհատ տարուբեր այս բոլոր նիւթերուն մէջ զորս մէկ տեղէն միւսը կը փոխադրէր մինչեւ իրինկուն:

Եւ գիշերը երբ այս բոլոր ժխորը դադրէր ու միւսակ մնար ընդարձակ խանութին մէջ, վարանստ ու հետաքրքիր, կը խառնէր, կը ջանար հասկնալ իր շուրջի բոլոր նիւթերը:

Հոս՝ Ֆիլտես է կամ մետաքսէ կանացի գուլպաներ գոյնզգոյն, բանուած, մինչեւ զիստը ամփոփելու չափերկայն, որոնց ներդաշնակ շրջազիծը՝ մարմնին ճշտութեամբ պատկանելու համար ձեւուած էր. անդին ճեր-

մակեղէններ՝ սպիտակ ու նուրբ վուչէ որոնց իր համբակ մոքովը գործածութեան տեղ չէր գտներ. շապիկներ՝ երկար, լայն թափանցիկ, փրփուր տանքէներով խառն, որոնք կուրծքը մերկ ձգելու քան թէ ծածկելու համար պատրաստուած էին. ուրիշ ճերմակեղէն հանդերձներ, կարուած թէ կարուելիք, չէր զիստեր, վասն զի էն անհրաժեշտ մասերը իրարմէ անջատ ու բաց թողուած կը տեսնուեին. աւելի անդին գլխարկներ, թռչուններով կամ ծաղիկներով զարդարուն, կօշիկներ տարօրինակ ձեւերով, ձեռնոցներ, պախճաւանդներ, ծնրակապեր—այս վերջինները կը ճանչնար հայրենիքէն, եւ զորս երբեմն իր ծունկին վրայ կը փորձէր — վերջապէս հազար խոռովիչ ու հեշտաւէտ առարկաներ, մանաւանդ գեղարոյր փոքրիկ ու զարդարուն շիշեր որոնք իր դրսեցի դիւրագրգիտ քիւթին համար ամէնէն ախորժելի էին:

Բայց վերի յարկը ա'լ աւելի զարմանքներու կը հանդիպէր. կար կարողներու սենեակին մէջ, մերկ, բուլորովին մերկ կին մը, ո'չ, կանացի փայտաշէն մարմին մը, ճշմարիտ ու կենդանի կարծուելու չափ ճարտարութեամբ շինուած, իր զմայլած աչքին կը պարզէր, յայսմի լրութեամբ մը, այս բոլոր թաքուն հրապոյցները որոնք իր նոր ամուսնացած երիտասարդի տենտագրգիտ արիւնը կը բորբոքէն: Ու մինչեւ լոյս չէր քնանար, կանանց մարմին համար մտածուած, երեւակայուած, ստեղծուած, այս բոլոր խօսուն եւ զրգուիչ նիւթերէն շրջապատուած, որոնց բոլորին վրայ, իբրև հրաշալի աշխարհի մը մէջ, այդ մերկ կինը՝ սէգ, խրոխտ, բայց միանգամայն կարծես թէ անձնատուր ըլլալու պատրաստ, կը տիրէր իր մարմնին շացուցիչ գեղովը: Ու կանանց յատուկ, մանրնց գաղտնիքներովիը, հրապոյցներովիը լեցուն այս քաղաքին

մէջ անզգայ պահապան մնալու դատապարտուած՝ այս
երիտասարդը կուրտ աքաղաղի տարօրինակ դեր մը կը
ստանար :

Գ .

Հայրենիքը, Զարդար, իր մանկամարդ կինը, կը
սպասէր : Իրենց սուրբ պատակէն ի վէր հազիւ մէկ երկու
ամիս երկանը երեսը տեսած էր, ու ստակ վաստկելու
աննահանջելի հարկը՝ հեռաւոր երկիրներ առաջնորդած
էր զայն :

Կը սիրէր արդեօք այն երիտասարդը որ իր ամուսինը
եղած էր . այն կոյր ու անտրոտնջ հնազանդութեան մէջ
որ հայունիներու բոլոր կեանքը կը կազմէ այդ կողմերը,
ո՛չ խորհելու և ո՛չ զգալու տեղի մնացած է . իրեն չեն
հարցուցեր երբէք թէ կ'ուզէ՞ր այն մարդը զոր իրեն սահ-
մանած էին . ինքն ալ չէր մտածէր անոր վրայ . ո՛չ կ'ա-
տէր և ոչ կը սիրեր զայն մինչեւ իր մառանութեան օրը :
Եւ ամուսնութենէն ետքը ա՛յնչափ քի՞չ ատեն անցուցած
էր հետը, այնչափ մտերմութիւնէ զուրկ, որ գրէթէ
պաշտօնական եղած էին իրենց յարաբերութիւնները՝ մի-
ևնոյն յարկին տակ բնակող բաղմաթիւ աղդականներու
աններող նայուածքին տակ :

Այդ նոր ընտանիքին մէջ ուր կը մտնէր գլխաւորա-
պէս ծառայութեան համար, ամենէն քիչ իր էրկանը կը
պատկանէր . վասն զի կեսրոջը, աներին, միւս աղգա-
կաններուն սպասաւորութիւնն էր իր աւագ պարտաւո-
րութիւնը .

Այս գեղի աղջիկը գորովի և սիրոյ անսպառ գանձեր
ուներ սակայն իր սրտին խորը, որոնք մէկ բառով, մէկ
գուռանքով թերեւս պիտի յայտնուէին : Բայց աւանդու-
թիւնը կար իր աչքին առջեւ, իր ամուսին հօրեղբայր-
ներուն կիները կային, նոյն իսկ իր կեսուրը կար դէ-
մը, Պոլիս գացող մնացող ամուսիններու սպասելով,
տանը անհատնում հոգերուն ու աշխատութեանցը մէջ
մաշելով ծերացած կիներ, հիմայ գրիթէ պատաւներ, ճիշտ
իրեն պէս, նոր հարսի պէս լոփկ ու խոնարհ՝ այդ մարդոց
քով որոնք յանկարծ, երկարատեւ տարիններէ ետքը,
յիշուր էին թէ այդ դժբախաններուն ամուսիններն էին
իրենք ու հայրենիք վերադարձեր էին, այլևս աննպա-
տակ ու անօգուտ դարձած ամուսնական կեանքը շարու-
նակելու :

Անա այս հէդ, աղերեկ ու կորաքամակ օրինակները
կային իր առջեւ, որոնք ստուերներու պէս անխօս՝ իր
շուրջը կը դառնային, եւ Զարդար էրիկ կնկան ուրիշ
տեսակը չէր երեւակայած երբէք :

Զգարմանցաւ ուրեմն երբ կարգը էրկանը եկաւ մեկ-
նելու : Իր մշտնջենապէս կրաւորական դերին մէջ գառա-
ռացի հայ կինը գանգատելու անգամ զօրութիւն չունի .
Պոլսէն թուղթ եկաւ . հօրեղբօր մը գալուստը իմացուցին
ու Մարտիրոսի մեկնելու պատրաստութիւնները տեսան .
հարսը՝ իր հոգածու ամուսինի պատրաստութեամը՝ երկու-
զոյդ բուրդէ զուլպա չինեց, մայրը ու միւս աղգական-
ները մէյ մէկ յիշատակ տուին ճահբորդին ու երկու շարթի
օրուան կարաւանով մօտի զիւղէն . Պոլիս գացող ուրիշ
երիտասարդի մը՝ Խաչոյին հետ ճամբայ զրին զայն Զար-
դար մինչև իրենց արտը, որ ճամբուն կողմն էր, մէկտեղ
դար ու վերջի պահուն երբ հրաժեշտի ողջոյններ փո-
գնաց ու վերջի պահուն երբ հրաժեշտի ողջոյններ փո-

խանակուեցան, արցունքի վախստական կաթիլ մը սահեցաւ ինկաւ հարսին աչքէն երիտասարդին ձեռքին վրայ. այսչափ ահա այս բաժանման բոլոր սրտայուղութինը:

Մարտիրոսի մեկնելէն ի վեր հարսը իր բաժինը առած էր տան աշխատութենէն ու իր տեղը կեսուրը հանգըստեան կոչուած. հաց եկել, կաթ կթել, ջուր ու փայտ բերել իրեն կ'իյնար միշտ, ու երիտասարդ կինը՝ ազարակի կենդանիներու յատուկ հեղութեամբը իր ծառայութինը կը կատարեր:

Դ.

Բերայի Մեծ Փողոցին մէջ վաճառքի ահաղին հակի մը անտանելի բեռլին տակ ճնշուած, քրտնաթոր, ճակատներնուն երակները պայթելու չափ ուռած, հագուստնին պատառուն, ցեխոտ, չորս բեռնակիրներ, մէկը ծերուկ, այս տառապանքներուն տակ ալեւորած, միւս երեքը դեռ երիտասարդ, կ'անցնին հեւալով:

— Խաչօ՛, պղուաց ձայն մը անոնցմէ մէկուն:

Խաչօ գլուխը դարձուց, մնահարուստ վաճառատունէ մը իր անունը տուող ձայնին տէրը ճանչնալու համար:

Նոր լաթեր հագած գեղապանծ երիտասարդ մը, կապոյտ լօթիկին մէջէն ցոց տալով վահանաձեւ կուրծքը, ածիլուած, մաքուր, փէսը աջ կողմ ծուած քիչ մը, իր փոխանին փոթերը չտկելու զբաղած, վաճառատան դրան մօտ կեցեր ու իրեն կը ձայնէր:

Բեռնակիրները արդէն ուժասպառ վար դրին իրենց բեռը. բայց թաղապետութեան չալոււները ընդդիմաց արայի Մեծ փողոցը յոգնութիւն առնելու տեղ ցան. Բերայի Մեծ փողոցը յոգնութիւն առնելու տեղ չէր. բեռնակիրները չունչ առնել կ'ուղէին և չալոււները թող չէին տար:

— Օլմազ, կ'ըսէր սպիտակ ժապաւէններով զարդարուած ու մէջքը սուր կապած կէս-լեզու յոյն պաշտօնեայ մը որ անոնց մնձը կը թուէր:

Բեռնակիրները իրենց հայախառն թուրքերէնով կը բողոքէին.

— Պիզմանէ ճանիրիզ եօնիս մի՛. պէ մարդ Աստուծոյ, կը գոչէր ծերուկը:

Դլապարկաւոր անցորդներ կը շրջապատէին զիրենք, կիմները կանգ կ'առնէին՝ վէճին պատճառը իմանալու հետաքրքիր: Ու բեռնակիրները կը ծռէին իրենց տաժանելի խաչին տակը մտնելու համար նորէն:

Աղքատութիւնը հարստութեան դէմ կանգ առնելու իրաւունք չունէր:

Մարտիրոս իր չորս հեմօերիններուն հեռանալը տեսաւ, ուր Խաչօն, ուր ինք. և սակայն միեւնոյն գեղէն էին գրեթէ, միւնոյն տարիքը ունէին և միսամին մեկներ էին երկրէն. Խաչօն ալ կայտառ ու յաղթամարմին տղայ մըն էր, իր նշանածը թողած, ինչպէս որ ինքն ալ իր կինը ձգած էր՝ ստակ, միշտ ստակ, յաւիտեան ստակ վաստիելու համար:

Ինքը Բերա էր ու Խաչօն Դալաթիս մնացեր էր. մէկը լերան վրայ, միւսը ստորոտ, և կը թուէր թէ մէկը լերան վրայ, միւսը ստորոտէն վեր չպիտի կրնար ելլել: Մարտիրոս այս բաղդասութիւնը կ'ընէր մտքէն:

Սղէկ շան կար իր ծառայութեան մէջ ու աղէկ հա-

Ֆոյք, հայրենի տան աղքատիկ ու միօրինակ կեանքը՝ լուսուն մեղքուելուն հետ անհնտացող անհաճոյ եւ անկարելի երազի մը տպաւորութիւնը կը դառնար հետղհետէ։ այս բոլորովին իդական աշխարհին մեմչն ուր հազիւ ոտք կը կոփէր, ապագան փայլուն ու հիանալի կ'երեւար։ Փրանսերէն սորվիլ կը սկսէր ահա ու մատամ կ'ըսէր տիկիններուն խօսած ատենը, վասն զի տիկիններուն հետ կը խօսէր։ շարունակ փոքր ու մեծ ծրաբներ կը տանէր անոնց տունը ու պախէիծ կ'առներ։

Յայտնի էր որ քիչ շատ ամէնուն հաձելի սպասաւոր մըն էր։ Ֆրանսուհի մը՝ Արևելքիններուն այս կատարեւլագործեալ տիպարին միրահար, ու մանաւանդ Բերացի հայ տիկին մը տաննէն անակնկալ կերպով իր փոքրիկ ծառացութիւնները կը վարձատրէին ու ինքը այս ներհակ, նախանձու ու սոսիս հարապոյրներու մէջ կը վարանէր իր դեռափոյս պեխերը շոյելով։

Ե

Հայ տիկինը հարուստ վաճառականի մը ամուսինն էր։ շարունակ յօդացաւէ տանջուող էրի՛էն զղուած՝ մոռցեր էր որ այս ծեր բայց հարուստ մարդը աղքատութիւնն գուրս հանած ու իրեն կին ըրած էր զինքը։

Սյս հարսութիւնը՝ զոր ատեն մը աղքատութեան խոշորացոյցը տեսած էր՝ չէր փոխարիներ հիմայ հիւանդու ու ալեւոր մարդու մը կինը ըլլալու դժբախտութիւնը և այս առուտուրէն՝ որ իր ամուսնութիւնն էր՝ պարագաներուն ներածին չափ զղջումը յայտնած էր։

Անկախ, ինքնիւխան, իր անսահման ազուտութիւնը ի՞նչ բանի գործածելու շուարած՝ այս կինը ամէն օր Բերացի խանութիւներուն մէջ թափառիկ, մեծածախ արդուրացի մոտմուգով զբաղած, ոչ ոք գտած էր մինչև այն զարդի մոտմուգով զբաղած, ոչ ոք գտած էր մինչև այն ատեն իր արտակարգ ընաւորութեանը յարմար։ Շուրջը դարձող երիտասարդները միշտ մնձարանքով ու փայփայնքով վանքեր էին զինքը և սակայն այս թոյլ ու վատ եղանակը չէր իր տարիփատենջ երազը։

Յանկարծ օր մը իր յաճախած խանութիւներէն մէկուն մէջ երիտասարդ մը տեսաւ առոյդ, գեղեցիկ ու կոպիտ, որ ճիշտ իր վինտուած առնական տիպարն էր, և այն վայրկեանէն ան եղաւ իր միակ կիրքը։ Ալ չպակսեցաւ այդ վաճառատունէն մանր մունք բաներ գնելու պատրուակով։ Անթիւ, անհամար ծրաբներ կը զրկէր տուն զորս Մարտիրոս յօժարափոյթ կը տանէր, ու երբ պատահէր որ իր մնձածուս շրջասպեսոր երիտասարդին դպէր, կամ դրամ տալու առթիւ իր քնքոյց ու փափուկ ձեռքը անոր լայն, ամուր ու ջղուտ ձեռքին հանդիպէր, սարսուռ մը կ'անցնէր իր մորթին վրայէն։

Երբեմն տունը կը գտնուէր ու մոռցուած յանձնարարութիւն մը լսելու համար Մարտիրոս մինչև հանըմին երանաւէտ սենեակը կ'ելլէր։

Այսպէս շարունակեց տիկինը ատեն մը, բայց յետոյ համբերութիւնը հատաւ։ վերջապէս այդ գեղեցիիկ համայնք սեպելու մարդ չէր։ Բայց միշտ հարամիտ ճարտարութեամբ իր տեսակցութիւնները կարգադրեց այս դրաեցի տղուն հետ որուն անվորձ ովարզմատութիւնը իր տարիանքին սաստկութեանը չափ մեծ էր։ Կը զգար որ յիմարութիւններ ընելու կարող էր անոր համար, ու թաղուած գանձ մը զահուղ աղահի մը պէս իրեն միայն վերապահե

ու յատկացնել կ'ուզէր զայն, մինչդեռ Մարտիրոս՝ որ իր լեռնցի մարդու բնութիւնը ձգելու ատեն ունեցած չէր, այս քաղաքի մարդոց ու կիներուն վրայ հաւասարապէս կը զարմանար :

Եւ այս զբօսանքներուն մէջ մոլորուած, հայրենի տը-նակին մէջ թողած օրինաւոր ամուսինը չէր յիշեր այլեւս այն արցունքով գրուած տողերը դորս հէք կինը իր ձեռքը կը հասցնէր, անոր քարացած ու ապականած սիրատը շարժելու անկարող էին. ստակ կը զրկէր որչափ որ ուզէին, բայց դառնալու խօսք մտիկ չէր ընէր :

Ու հեմեւրիները, անդին, իրմէ քայլ մը հեռու, խնայողութեամբ ու զրկանքով ստակ հաւաքած, մաս առ մաս կը վերադառնային հայրենիք, սիլանուն խավումի ըլլալու :

Զ.

Զմեռնամուտին, շրջակայ դիւղերէն շատեր Պոլսէն դարձան եկան. ամուսիններ, նշանաձներ ու աղջիկներ խնդացին. դիւղային ու ընտանեկան կեանքը իր բոլոր սուրբ ու մաքուր եռանդովվ վերակենդանացաւ :

Խաչօն այդ վերադարձոներէն էր. արտ մը ու զոյգ մը եղ գնելու չափ ստակ ժողվեր ու եկեր էր. նշանաձ էր արդէն ու հարմանիքը շուշացուցին. Մարտիրոսի մէկ հօրեղացը կնքահայր եղաւ. ամէնքը կը սիրէին Խաչօն. ուրախութեան, տօնի օր մը եղաւ հարմանիքին օրը :

Զարդար հոն էր. իրմն ալ ճիշտ վեց տարի առաջ այսպէս ուրախութեամբ տօներ էին հարմանիքը. դրացի

ու գիւղացի եկեր էին, այո՛, ճիշտ այսօրուան պէս հա-զար մաղթանքներ ընելու : Բայց քանի մը օր վերջը է-րիկը ձգեր գացեր էր զինքը ու ա՛լ չէր երեւցեր, եւ իր առունձնութիւնն ու լքումը ամօթ մը կը թուէր իրեն՝ այս ցնծայոյլ բազմութեան մէջ :

Ետ դարձան, հետեւեալ օրը իրենց ամայի տնակը բոլորովին մութ ու խաւար երեւցաւ իր աչքին :

Գուցէ տաններորդ անգամը ըլլալով սրտաբուխ ուխտով եկեղեցի վազեց ու Տիրամօր պատկերին առջեւ արտասուելով իր իմնդիրքը իրաւ. եւ Տիրամայրը, ար-ձաթէ թագը գլխուն, ունկնդրեց իր սեւցած ոսկեզօծ շրջանակին, ինչպէս շատերուն աղաչանքներուն էր ուն-կընդրած :

Ապա ձմեռը հասաւ իր բոլոր սաստկութեամբը, իր-բեւ թէ այս հայրենիք դարցողներուն յիշեցնելու համար որ յարմար ժամանակին հասած էին հայրենի վառարանը :

Ու Պոլսէն լուրեր, տեղեկութիւններ կու տային գիւղէ գիւղ անոնց վրայ որոնք այս աշնան չէին կրցած միասին դառնալ. Կարապետ յաջորդ տարին, իսկ կիրա-րոս միւսին պիտի դառնար : Միայն Մարտիրոսի վերա-դարձին խօսքը չկար : Յետոյ ճիւն ու սատոյց ամէն կողմ, ամէն ոք իր տան մէջ փակուած, և այսպէս տարի մը եւս լրացաւ :

Է.

«Բուէնթամ»ի վայելչակազմ պահապանը աղէկ ճամ-բու մէջ էր : Մոլութիւնն ու ապականութիւնը սահուն

զառիվար մըն է որուն կէսին վրայ կանդ առնել դըժուար է :

Տարիները կ'անցնէին միշտ ու ինքը, Բերայի փողոցներուն մէջ կը չըճէր թափառայած, միշտ մաքուր հագուած, ածիղուած, սեւ պեմերը ոլորուն ու հաղիկ իշխանի մը պէս պահելով իր հայրենի զգեստները որոնք երեն այնքան աղէկ կը վայէին: Օր մը միայն, փորձի համար, եւրոպական զգեստներ հագած էր եւ այն օրը ոչ ոք երեսը նայեցաւ:

Հիմայ Բերայի ամէն սովորութեանցը զբօսանքներուն մոլութեանցը տեղեակ մէկն էր բաւական ատենէ ի վեր ահա կը վարէր գեղեցիկ ու առոյդ հսկայ մարդու դերը:

Այս կեանքը չէր կրնար տեւել այսպէս. իր աղդած հրապարակը կը ռամկանար. առջի հետաքրութիւնը կը նուազէր:

Նոր եկող պարզամիտ տղան չէր. բայց ի՞նչ օգուտ, հարուստ տիկնանց համակրութիւնը՝ ծառերուն վրայ կեցող թռչուններուն պէս անհաստատ է :

Իր պաշտպանուհին ճամբած էր զինքը, ու խանութին մէջ հին օրերու վաստակին տասներորդը անդամ չունէր. մօսան անցնելը այդ վաճառստան մէջ գանուող բոլոր նիւթերուն ճակատազիրն էր, և լնքն ալ այդ նիւթերէն մէկը եղած էր բաւական ատեն: Սակայն վատահ ու յանձնապաստան ձեւ մը ստացեր իր ու իր երիտասարդութեան ատենէն մնացած վարժութեամբ մը. եթէ ոչ տիկններու գէթ կար կարողներու կամ ատեն անդին տուններու մէջ աշխատող սպասուհիներու մօտ յարգի էր:

Յանկարծ հայրենիքէն թուղթ մը եկաւ որ բոնի կը միշեցնէր իրեն մոռցած ու ոտնակոխ ըրած սրբազան

պարտաւորութիւնները. այն բարակ պահարանին մէջէն ելող քառածալ թուղթի կտորը անխուսափելի պարսաւ մըն էր ուսկից ակամայ կ'ամշնար. այդ անդգայ փոքրիկ սուրհանդակը ընտանի եւ անողոք մարդու կերպաւ կ'առնէր և զինքը կը յանդիմանէր: Ո՛րքան բանք կ'առնէր այս յանդիմանութեանց. այն ատեն կը զզջար, ինքնիրեն որոշում կու տար երկիր երթալու. վաղանցիկ ու անհաստատ որոշում զոր գործադրելու ոյժը կը պակսէր իրեն:

Ու այսպէս կը համոզուէր որ Պոլիս մնալէ ուրիշ միջոց չկար իրեն, ու ժամանակը կ'անցնէր:

Օր մըն ալ զզաց որ տարիքը առնելու վրայ էր. սպիտակ թելեր կ'երեւային մազերուն մէջ. հայելին՝ աւերած ցուցուց իր գէմքին գիծերը: Զարմացաւ. ի՞նչ շուտ. երկու օր մտածեց ասոր վրայ, յետոյ դարձեալ շարունակեց իր առջի ընթացքը:

Հարյուղիներուն ա՛լ չէր ըսեր որ ամուսնացած է. բաւական ատենէ ի վեր վաճառստանունէն ալ ելած էր ու դրամի նեղութիւն ունեցաւ:

Պարտիզակցի սպասուհի մը՝ վերջին մնացորդ իր նախկին յարագերութիւններուն, աւելցուցած բոլոր ստուկը, իր չորս հազար դրուշը կուտար իրեն եթէ զինքը կնութեան ատենէր:

Մարտիրոս բեռնակրութիւն ընելու ոյժ եւ կամք չունէր. գործ մը բռնել կ'ուղէր ու գործը առանց դրամագլխի չըլլար: Ինքնիրեն ըստ նաև թէ քանի որ երկիր չպիտի երթար, առանց կնոջ սպրիլը անկարելի էր:

Գաղտնի ու անձայն պսակուեցան, գողերու պէս, առանց Պատրիարքարանին լուր տալու, բարեկամ մը

հրաւիրելու . ուսկի մը տուին քահանայինն ու խնդիր
չմնաց : Այս եղաւ իր վարած կեանքին վերջաւորութիւնը :

Ը.

Հայրենիքը իր կինը կը սպասէր . ձմռոր ամառուան ,
ամառը ձմռուուան կը յաջորդէր , ու տարիները կ'անց-
նէին անփոյթ ու անտարբեր իր թախծալից ու սգաւոր
կեանքին համար :

Պոլսէն թուղթերը ցանցառ եւ ուշացած կու գային .
փօլօսները չէին վճարուիր ա՛լ ու աները իր նամակնե-
րուն մէջ կը սպասնար հարսը վոնտել երբոր երկրորդ
փօլօսն ալ անվճար մնար . տանը մէջ ամէնքը զինքը յան-
ցաւոր կը բունէին էրկանը անտարբեր ընթացքին համար :

Գայողները կը շարունակէին Պոլսէն դառնալ , ու
պատանիներ կ'երթային սպանդիստութեան տառապանք-
ներուն պակասը լեցնելու մայրաքաղաքին մէջ : Ու թուղ-
թերը կը ճամբէին գեղէն , բարեւներէ , ընտանեաց անդամ-
ներու ողջ առողջ ըլլալուն լուրէն եւ ստակ զրկելու յաւի-
տենական պահանջումէն բաղկացած : Պատասխան չկար :
Հարսը՝ հիմայ կատարեալ կին եղած՝ կրնար երբեմն ան-
կիւն մը քաշուած արտասուել :

Ս.մէն կիրամուտաքի եկեղեցի կ'երթար . կիսակործան
ու գիւղին տնակներուն պէս հին ու սեւցած եկեղեցի
մը ուր պղտիկուց ի վեր գացած էր եւ ուր իր պսակը
օրհներ էին :

Հոն , սուրբերու պատկերներուն դէմ զորս լուռ
բայց անաշառ վկաներ կը կարծէր իր ամուսնութեան ,
իր տառապանքը կը պարզէր ու ջերմեռանդ աղօթք-

ներովը , որոնք յանդիմանութեան պէս բան մը կը նշա-
նակէին , պատասխանատու բռնել կ'ուղէր այս եկեղեցին
իր խորանովը , մասունքներովը , բոլոր սուրբերովը , իր
կործանած յոյսերուն համար : Սակայն այս յաւիտեան
բացակայ էրկանը համար ըրած աղօթքները չէին փոխեր
իր ճակատագիրը :

Այն ատեն հարկ կ'ըլլար համոզուիլ , բոլորովին յոյսը
կտրել այս ամէն ժամ սպասուած ու ամէն ժամ ի դերեւ
եղած վերադարձէն :

Դիտէր , ստոյգ գիտէր ալ որ ամուսինը չպիտի գար .
բայց իրիկունը , առանց ուղելու , քայլերը կ'առաջնոր-
դէին զինքը այն արտը ուրկէ վերջին անդամ տեսած ու
Պոլիս ճամբած էր իր երիտասարդ էրիկը : Հոն , կամգուն
եւ առանձին , հեռուն տարածուող ընդարձակ ու հարթ
դաշտին վրայ պատցնելով իր հետախոյզ նայուածքը ,
Սյրին դեռ կը սպասէր :



Խ Ա. Բ Ի Ս Խ Ը

Ա.

Ոչ ոք իրեն չափ աստուածառէր ու աստուածալախն էր միանդամայն . կեանքին բոլոր երեւոյթները բնութեան բոլոր գաղտնիքները Աստուծոյ գաղափարովը կը բացատրէր ու կը հասկնար, ինքը՝ խելացի կին մը սակայն :

Աղօթքը իր հոգւոյն ամենէն անդիմադրելի պէտքն էր, հօրմէն մօրմէն ժառանգած այս որոշեալ ժամերու աղօթելու սովորութիւնը զոր դաւակներուն թողուլ կը խորհէր :

Իր ամուսնութեան առջի օրէն, գեռ երիտասարդ կին ու աղքատացած մարդու առջիկ, էրկանր փարթամ ու հարուստ տաճը մէջ չէր կրցած համակրութիւն շահիլ, ու պարտաւորուած էր հիւրի մը պէս, աւելորդանձրացուցիչ օտարականի մը նման, զգոյշ ու անձայն մնալ, ոտքին մատներուն վրայ կոխել : Այն ատեն ժամանակութիւնը իր ճշմարիտ ափոփանքը եղած էր :

Այն գեղին, ուր Սօփիկ հանըմ հարս եկած էր, կը սիրէր փոքրիկ եկեղեցին. պարտէզ մը կը բաժնէր իրենց տունը աստուծոյ տունէն : Իր հարսանեկան սենեակին մէկ պատուհանէն կը դիտէր ծովը մշտաշարժ ու անհուն կապոյտովը . միւսէն՝ եկեղեցւոյն կամարները, երկուստեք դուրս ցցուած պահարաններով, որոնք չէնքին երկայնքին հետ ամրակուռ ու քառակուսի Խաչ մը կը ձեւացնէին, իբրեւ անքոյթ ու անշարժ խախիսի մը որուն իր ձեռքն էր փարփի :

Իր ամուսնութիւնը որով աշխարհի պայքարին մէջ թեւակոխէր, Աստուծոյ բացորոշ կամքին վերագրած էր միշտ և այս անծանօթ տան ու կեանքին, նոր բացուող ապագային մէջ այս ուղեւորութիւնը՝ ամենազօր էակի մը երաշխաւորութեանը տակ դրած էր :

Ուրիշներ՝ պարի, խրախճանութեան, զքօսանքներու համար կը հագուէին . ինքը՝ կիրակի առտուները եկեղեցի երթալու, վերնատան իր յատուկ անկիւնին մէջ կենալու աղօթելու համար կը սիրէր արդուզարդը, որուն մէջ ցոյց կու տար ընտրանքով ու ճաշակով հագւող կնոջ բնական գերազանցութիւնը :

Գլաւարկին, կօշիկին, շրջազգեստին բարեհեւութեանը զմայլողները հոն հանդիպած էին այս երիտասարդ կնոջ : Մեծ Պահքի չորեքշաբթի օրերը, Ծնունդի եւ Զատկի տօները անպատում ինսդութեան օրեր էին իրեն համար : Երիկ մարդիկ բակին մէջ, բանկալին քով կը ուղքտկացին, կը սպասէին, երբ բարձրագլուխ կը յառաջանալ, ժապտուն ու երջանիկ, փղոսկրէ ծածկոյթով աղօթագիրքը ձեռքը եւ ամփոփ շրջազգեստին եղերքին ցոյց տալով փոքրիկ կօշիկներուն ծայրը եւ հեշտաբոյր հոտ մը ծաւալելով շուրջը :

Երբեմն գաւիթին մէջ կը կենար, ջերմենուանդ խաչակինքումներովը, ծնրադրութիւններովը, մրմունջներովք զմայլեցնելով իր թաղեցիները և յատկապէս այս այրերը որ Աստուծոյ նուիրուած այս գեղեցիկ կնկան հետամուսներն էին :

Բ.

Այս էր իր հրապոյրը, իր յաշթութիւնը, սուրբ, բոլորովին կրօնական բան մը, իր խանդավառ կնոջ մարմնական անձկութիւնները՝ քաւութեան ու թողութեան գաղափարներու ոյժովը զսպելով չարունակ:

Եւ սակայն հաջիւ մը կար այս աստուածափրութեանը մէջ: Ատենով հարուստ յետոյ չքաւորութեան մասնուած հօր մը զսուակն էր: Աղջիկ ատենէն երբ պասմա շրջազգեստի մը ա՛իր քաշած էր բոլոր ամառը, երբ իրենց ալքասիկ կարասիներուն նայելով, ճոխ ու զարդարուն սենեակի մը կարօտովը տանչուած էր, երբէք յուսակտուր եղած չէր: Կը զգար, ինչուն չէր գիտեր թէեւ, որ այս չքաւորութիւնը վաղանցիկ բան մըն էր, այս հինումին տունը վերջնական կայան մը չէր: Կը յիշէր, իբրեւ մշուշի մը մէջէն, իր մանկութեան օրերուն փարթամ վիճակը, բազմաթիւ սպասաւորներով ընդարձակ ապարանքը, անհատնում սրաներով ու սենեակիներով լեցուն, հեռանկար մը որ կը հրահրէր, կը տոշորեր իր երիտասարդուհիի իշերն ու տառապանքը:

Ու կը խորհէր որ այս ամէնը վերադարձնելու, իրականացնելու կարող մէկը, աղերսանքի ու կնոջրող հաղուագիւտ մէկը, քովը, մօտը, գլխուն վրայ էր, Աստուած: Եւ իր ամուլ մնացող փափաքներուն, փառասիրական ցնորքներուն սաստկութեանը չափ, Աստուածոյ վրայ իր հաւատքը զօրաւոր ու հաստատ կը դառնար:

Կը հաւատար որովհետեւ անհրաժեշտ էր այդ հաւատքը իր կարօտ ու զրկեալ հւգւոյն:

Իսկ հիմայ այնչափ աւելի որքան այդ պատանուհիի

երազները՝ անյուսապի, ո՛հ բոլորովին անյուսապի ամուսնութեամբ մը ստուդութեան փոխուած էին. և անկեղծ երախտագիտութեամբ մը լեցուած, ինքը գոհ ըլլալուն համար կարծելով որ ամէնքն ալ պէտք են գոհ ըլլալ, պարզամիտ և ակամայ եսութեան մը բերմամբ, ինքն ալ փոխադարձապէս պաշտպան կը կանգնէր իր Աստուածուն ամէն կարգի թերահաւատներու դէմ որոնց շատնալը կը դիտէր ցաւով ու զարմանքով: Կը մաքառէր անկեղծ եռանդով մը, չզգալով իր փաստերուն տկարութիւնը:

Կը ծաղրէին զինքը, կը խնդային իր անդրդուելի համոզմանը վրայ. ամէն կերպ աղէտներ, մահ, աւերում, հրդեհ, աղքատութիւն կը թուէին իր առջեւ, համար պահանջելով այս ցաւերու եւ անիծից Աստուածմէն: Ոմանք, հայովիչներ, անոր գոյութիւնը կ'ուրանային ու Սօփիկ հանրմ, չկրնալով այս նախատանքներուն տոկալ, տաքի կ'ելլէր ձեռնամած գոչելով,

— Անուշիկ Աստուածս, աս ինչէր պիտի լսեմ եղեր:

Ինքը բարիք միայն վայելած էր անկէ, այդ մահերուն, աւերումներուն զոհ գացող անձերուն համար անշուշտ Աստուածոյ արդարութիւնը այնպէս տնօրինած էր, եւ այս պատուհանները առանց պատճառի չէին հարկաւ:

Գ.

Հիմայ «վերադարձի վրայ» կին մըն էր. բացորոշ ծերութեան մէջ թեւակոխներէ առաջ կիները երիտասարդութեան, թարմութեան հրապոյր մը կը վերստանան միշտ. Սօփիկ հանրմ այդ վերջալըսի հրապոյրովը կը

փայլէր, իր աղջանը չէին փոխեր զինքը: Դարձեալ առջի հաւատացեալ կինն էր, թէեւ այն քսանը հինդ տարիներուն, որոնք անծանօթ ու թշնամի հովիէ մը մղուած աւլիքներու պէս եկեր անցեր էին, շատ կորուստներ տուած էր: Իր կրօնասիրութիւնը անդրդուելի մնացած էր սակայն այն յարատեւ ձախորդութեանց մէջ զոր չըմբռնել կը սկաէր: Քանի մը տարուան մէջ չորս գաւակներէ երկուքը մահը առեր տարեր էր իր ձեռքէն և էրկանը հարթառութենէն՝ հօնսօլիսէի կորուստներու, հիմնայատակ փճացումին յիշատակը մնացած էր:

Ի՞նչ բանի համար արդեօք Ասաուած կը պատժէր զինքը, հետաքրքիր, անձկայոյզ կը քննէր կը պրատեր իր կետնքը, ուշադիր՝ սեւ բիծ մը, չար գալափար մը չմունալու չափ. այս անվերջ հետախուզութիւններուն մէջ ոչինչ կը գտնէր՝ անընդհատ դժբաղդութեանց արժանանալու չափ կարեւորութիւն ունեցող: Կը սարսափէր մանաւանդ վերահաս աղջքատութենէն: Դժգո՛: Եւ անհանդիս կը մնար միտքը, զարմանալով այս բարեկամ Աստուծուն իրեն դէմ բռնած տարօրինակ ընթացքին վրայ:

Կ'ալօթէր, հարցումներով լեցուն աղօթքներ, իբր թէ իր մտերմին երեսին ըսէր.

— Ի՞նչ պատճառով մնի ներացած էք:

Ի՞նչ կար անցած քարձած մէջերնին այսչափ դժտելու համար. եւ ընդունելի պատճառ մը գտնելէ յուսաբեկ, հարիւր անդամ քաւուած ու թողութեան արժանայած մեղքերու վրայ միտք յոգնեցնելէ ձանձրացած, կ'առանձնանար իր սենեսակը, առջի հարսանեկան սենեսակը, եւ աչքին առջեւ ցածուկ եկեղեցին իր քառաթեւորմերով կը տարածուէր, իր կամարներուն ուռեցքը կը

թաւալէր ողին մէջ, հանդարտ ու անքոյթ առջի օրուն պէս: Խարիսխը կը շարունակէր վատահութիւն ներշնչել: Յետոյ պղտիկ հաշտութեան թուական մը սկսաւ Աստուծոյ եւ իր տանը մէջ. առջինեկ զաւակը եկաւ հասաւ, ճիշտ ժամանակին, վասն զի բոլորովին փճացած էին ալ. որքան աղօթած, պաղատած էր Աստուծոյ այս սիրական զաւկին համար, հիւանդու ու նիհար տղայ մը: Ամէնքը կը գովէին այս երիտասարդը որ կառավարական պաշտօնի կոչուած՝ փայլուն ապագայ մը կը խօսանար: Այն ատեն Սօֆիկ հանըմ ինքզինքը մեղադրեց վայրկեան մը կասկածած ըլլալուն համար Աստուծոյ անհուն գթութեանը վրայ. առտու իրիկուն իր եկեղեցին վաղեց, մոմ վառելով խորանին ու բոլոր պատկերներուն առջեւ:

Շատ մը մարդիկ չտեսնել կը ձեւացնէին իր ամուսինը իմայցած ըլլալով անոր դրամական վիճակը: Հիմայ զաւկին յաջողութիւնը լսելով նորէն բարեւել կ'ակտէին զինքը իրր թէ ճամբորդութենէ մը վերագարձած ըլլար:

Եւ այս տեսած բարիքին փոխարէն, երախտիք ձանցող անձի պարկեցառութեամբ, Սօֆիկ հանըմ, որուեց Աստուծոյ տան պայծառութիւնը հոգ ու նպատակ ընել իրեն անկէ ետքը:

Մեծ խորանին, պղտիկ խորանին, աւագ կամ լուր օրերու յատուկ, պարզ կամ ոսկեզօծ վարագորներով, շապիկներով, գորգերով, ձեռագործներով եկեղեցին զարդարեց:

Սուրբ մուրացկանութեամբ տունէ տուն կը պտտէր, մէկուն աղջիկը նշանելու, միւսին հիւանդը առողջացնելու խոստումով, տար, անոր, բարեկամ, ծանօթ կիներու ուխտ ընել կու տար ու նուէր կը հաւաքէր: Իր ե-

կեղեցւոյ սուրբին զօրութեանը ապաստանած, ամէնուն սրտին բաղձանքը առաջուց կը չնորհէր, եւ եկեղեցին կը ճոխանար այս կանացի բարեպաշտութեան արդիւնքը եղող նուիրատուութիւններով. մինչդեռ իր մտքովը, այս ամէն ջանքերով տեսակ մը ապահովագին տուած կ'ըլլար՝ իր ընտանեկան յաջողութիւնը ապագայ վտանգներէ զերծ պահելու համար:

Դ.

Երեք օրէ ի վեր Սօֆիկ հանըմ իր տղուն անկողնին քով կը հակէ. երիտասարդը պտոյտի մէջ մսած՝ ծանր թռքատապէ մը կը տառապի, Սօֆիկ հանըմ չնասկնար այս նոր հարուածը. բժիշկները կու գան կ'երթան զլուխնին երերջնելով և իրենց ապիկարութիւնը, ուրիշ ամէն ատեն ծալլելի, հիմայ սպանական ու ահարկու բան մը կը նշանակէ:

Աը դողայ այս մարդոց երթեւեկէն, կը դողայ անոնց խորհրդակցութիւններէն, վասն զի ասոնց խօսքը ի դերեւ հանելու կարող մէկը չտեմներ իր քովը: Ու հիւանդին քնացած մէկ վայրկեանին, գիշեր թէ ցորեկ, կը վազէ չնշանպառ իր եկեղեցին, իր սուրբին, իր Սատուծուն, իր բժիշկին սոտքը, արցունքով ու պաղտատանքով օգնութիւն հայցելու, մինչդեռ խորանին առջեւ կանթեղը կը շարունակէ պլազալ միօրինակ հատնումներով, նուալումներով: Երբեմն, գիշեր ժամուն կը վախնայ կը սոսկայ թանձր ստուերներէն որոնց մէջ, ոչ սուրբի, ոչ Սատուծոյ պատկեր կրնայ դանաղանել, հապա անտեսանելի սովորներ, որոնք, իր գալուն, պատէ պատ կը վաղ-

վրգեն ու եկեղեցին պարապութիւնը աներեւոյթ բազմութեամբ մը կը լեցնեն:

Ճիւանդին քով կը ծածկէ իր տագնապները որոնք ալ յայտնի համարձակ կը գծադրութիւն իր դէմքին, իր ճակտին վրայ. մազերը կ'ալեւորին, եւ Սօֆիկ հանըմ, առանց ուղելու, առանց գիտնալու սեւեր հագնիլ կը սկսի:

Յետոյ զաւկին վիճակը ծանրանալուն հետ, փոխն ի փոխ Սատուծոյ կամ մարդկան ապաւինելու վարանումներ, երկմտութիւններ կ'ունենայ: Կը զգայ որ Սատուծած կ'ուշանայ ու միանդամայն կը զղջայ այսպէս խորհելով մեղք գործելուն համար:

Մա՞ր, իր միակ ապաւէնը եղող այս զաւակն ալ պիտի խիչ արդեօք: Սօֆիկ հանըմին ակնարկը կը թափառի հեռուն տարածուող, փրփրացող ծովուն ու իր մօտի ամուր խարսխին վրայ. անիկայ հիմայ փրկութեան գաղափարը չարթնցներ իր մտքին մէջ, այլ ստոյգ նաւարեկութեան մը տպաւորութիւնը կը թողու: Ի՞նչպէս կ'ըլլայ որ մինչեւ այս վայրկեանիս անոր միայն վատահած ու ապրած է, իր բոլոր կեանքը դրած այդ հիման վրայ որ կ'երերայ, կը շարժի, կը տատանի:

Մինչեւ վերջի վայրկեանին, քաջութեամբ սպասեց իր զաւկին քով. առատուան դէմ նորէն եկեղեցի գնաց, վերջին բացատրութիւն մը ուղելու համար. պարտէզէն անցաւ, պահարանէն ներս սպրդեցաւ. ոչ ոք. իր ծանօթ փոքրիկ եկեղեցին էր. այս գիշեր ժամուն մերկ, ցրտին

ու ամայի պատեր միայն տեսաւ շուրջը . սարսուռ մը
կը վազէր այս անզգայ պատերուն վրայ :

Խորանին առջեւ նուազկոտ լոյսի մը նշոյլովը Տի-
րամօր դէմքը նշմարեց իր յարատեւ ժափիտովը . Սօֆիկ
հանըմ ծնրադրեց աղօթելու համար ու բարձրածայն խօ-
սիլ սկսաւ :

Կանթեղին ցոլացումը հոս հոն դողգոջուն լոյս մը
կը նետէր , ու աղօթողին ստուերը նախ գետնին , յետոյ
վերնատան , յետոյ քարէ կամարին , յետոյ սիւներուն
վրայ կը տարուբերէր , կը պտտինէր ու անոնց համեմատ
կոտրտելով կը պատշաճեցնէր :

Այսպէս ժամերով կանթեղին վտիտ լոյսը զբօսնեցաւ
անոր հետ , մինչդեռ կինը կը բողոքէր զայրագին այս
անարձագանգ պատերը արթնյներու , անոնցմէ վերջնա-
կան խօսք մը առնելու ճիգով : Յանկարծ ետին դարձաւ ,
ճերմակ ներկուած պատերուն վրայ շուք մը տեսաւ ,
իր շուքը , սեւ ու սպառոր իր տպագայնն պէս , որ հիմա-
կուց կը պատկերանար , սիրելիներու գերեզմաններուն
վրայ ոստոստով վհուկի մը պէս :

Անկէ վերջը կանթեղին լոյսը անհեթեթ նկար մը
ձեւացուց պատին վրայ . այն երկաթէ ձողէն , որ կա-
մարին բացուածքը կը միացնէր , չուանով կախուած
մարմնի մը , Աստուածածին դէմ լեզու հանող մարմնի մը
տատանումը գծեց . միօրինակ եւ հետզհետէ նուազող
ճօնումով որ կը շարունակուեր դեռ երբոր լուսարարը
եկեղին բացաւ այն առտուն :



S U L H L U.

Ա.

— Տօքթօր , Կ'ըսէի իրեն . . . :

Տօքթօրը բարձրահասակ , ոսկրուտ ու նիհար մարդ
մը , իմ դէմի սենեակիս վարձակալն էր , այն տանը մէջ
ուր կը բնակէի :

Կանուխէն . — հազիւ յիսուն տարու կար — հան-
գըստեան կոչէր էին զիսքը , սրտի հիւանդութեան մը
պատճառաւ որուն մահացու հանգամանքը հաստատուած էր :

Իր մերձաւոր մահուանը գիտակից այս մարդը՝ կաւէ
արձանի մը անվրդով դէմքը ունէր ամէն ատեն :

Լիւքսանպուրի սրճարանին հաստատ յաճախորդնե-
րէն մէկն էր ու ամէն օր անխախտ կը գտնէիր զինքը
հոն , կէս օրէն վերջը , աջ կողմի կարմիր թաւիչէ նստա-
րանին վրայ , քօնհաքի բաժակի մը առջև , «Ճէպա»ի կամ
«Թամն»ի ընթերցման մէջ ընկլմած , չխօսելով մարդու
հետ , չզիջանելով նայիլ փողոցը , անձուդարձին , տպիւ-
լու , զուարճանալու , վայելելու անձուկը ունեցող աշխար-
հին , իրեւ մէկը՝ որուն ակնարկն ու ուշադրութիւնը մե-
հին , իրեւ մէկը՝ որուն ակնարկն ու ուշադրութիւնը մե-
հին , վայելքներու ու վեհագոյն աշխարհի մը վրայ
ճագոյն վայելքներու ու վեհագոյն աշխարհի մը վրայ

սեւեռուած ըլլային :

Եպահովապէս , իր քաշուած մորդու միայնութիւնը՝
մեզ շրջապատողներէն շատ աւելի աննենդ ու հաստա-
գէմքերով , անանց ու հաւատարիմ պատկերներով շրջա-
պատուած էր :

Առանձնութիւն մը՝ համակ լեցուած այս տեսինսերով
որոնց համար Սիւլի Բրիւտոմ ըսած է

որ մնան միշտ

առանձնութիւն մը ըլլալէ չի դադրիր :

Այս մարդը իր նմաններուն պէս ապրելէ զզուած ու
նոր ծանօթութիւններու, դէպքերու համար վերջնապէս
փակուած կը թուէր :

Մենք՝ մեր սրտաբաց ու հետաքրքիր ձեւովը՝ ընդու-
նելութեան այն մեծ դահլիճին կը նմանինք ուր ամէն ոք
կրնայ գալ, ձեռք սեղմել, տեղ մը գրաւել ու քիչ մը
վերջը հեռանալ. դահլիճ՝ որ կը լեցուի ու կը պարպուի
ամէն վայրկեան, ուր գոյները, գիծերը ու հոտերը իրա-
րու կը խառնուին ու կը չփոթուին միշտ :

Անիկա պղտիկ խուցն էր ուր մտերիմները միայն
մուտք ունին, առաջուց ի վեր իրենց յատկացուած տեղը
կը բռնեն ու միւնոյն խօսքերը կը կրկնին երբոր խօսին.
յիշատակներ՝ որոնք այս պղտիկ սենեակը կը կահաւորեն,
կը լեցնեն, կը զարդարեն թանկադին գեղօրմներու պէս
որոնց՝ աչքը վարժուած է ալ ու գոյ զիտէ ամէն մէկուն
դիրքն ու պատկերը :

Բ.

Երեք ամիս շարունակ, ամէն հեղ որ սանդուխին
դրայ կամ մեր դէմ դէմի սենեակները զատող սրահին
մէջ հանդիպեցանք իրարու, բարեւ մը միայն փոխար-
կեցինք :

Յետոյ, որ մը —սաստիկ հազէ մը կը տանջուէի—
խնդրեցի որ սենեակս գայ. եկաւ, դժկամակելով քիչ մը .

բազկերակս չքննեց ու լեզուս չնայեցաւ, այլ գրքատունս
աչքէ անցուց. դեղեր չտուաւ :

—Խաբերայ ու մնոտի բաներ են այդ ամէնը, ըստ
լնձի. հիւանդութիւնը իր շրջանը պիտի լնէ :

Տարօրինակ բժիշկ :

Յաջորդ օրը նորէն եկաւ. Վիքթոռ Հիւկոյի հասոր
մը ունէր ձեռքքը. մնարիս քով նստաւ ու առանց վի-
ճակս հարցնելու «Ճին»երը կարդաց: Միւս օրը կամառ-
թինի «Ճիւօնակներու Պատմութիւն»ովը եկաւ քովս:

Ուստցայ ու այնուհետեւ բարեկամ եղանք իրարու:

Առանձին, բոլորովին առանձին էր աշխարհիս վրայ.
ազգական ու բարեկամ չունէր և ունենալու պէտքը չէր
զգացեր երբեք :

Կիւլհանէի շրջանը աւարտելէն ետքը, քսան տարի
ամբողջ դուրսերը շրջած էր, լեռնայոլով ու սառուցիկ
բարձունքներէ մինչեւ արեւակէղ անապատներու միայ-
նութիւնը :

Ու կը հնագանդէր անտրատունջ, ընկեցիկ մանուկի
մը պէս, երթալով միշտ հոն ուր կը զրկէին զինքը,
վսյրապար չտանջելով իր սիրտն ու միտքը անիրակա-
նալի փառասիրութիւններով, հանդիսաւ ու հանդարտ
կիւնքի պահանջումներով :

Ինքն էր որ կը կոչուէր միշտ Միջագետքին մէջ ե-
րեւցող ժանտախտին, Սուրբոյ մէջ երեւան ելլող քոլե-
ռային դէմ առողջապահական միջոցները անմիջապէս
ձեռք առնելու: Այս մահտարաժամներուն մէջ թրծուած,
եփուած մէկն էր, սկեսպահիկ մարդ զոր բնութիւնը իր
մեծագոյն աղէտներուն վարժեցուցած էր, անտարբեր
դարձնելու աստիճան :

Այսպէս թափառայած ու վտարանդի կեանքի վար-

Ժութեամբ, հաստատուն կայանի մը, ծանօթ ու սիրելի Մջանակի մը կարօտը զգացած չէր երբեք. իր սրտին խանդաղատանքը՝ բոյն չէր դրած տեղ մը, այլ ցրուած թօթափած էր ամէն կողմ, ամէն տեղ, բզիկ բզիկ եղած՝ իր անդուլ ուղեւութեանը մէջ :

Քաջ վիրաբոյժ էր. այսպէս կ'ըսէն գոնէ անոնք որ ինձմէ լաւ կը ճանչնային զինքը. բայց երբեք անսակիոքրիկ վիրաբուժական գործողութեան մը մասնակցիլ չէր լսած, թէեւ բժշկութիւն ի գործ կը դնէր մեր թաղին մէջ, ծոյլ ու անտարբեր պաղարիւնութեամբ :

Գ.

— Տօքթօ՛ր, կ'ըսէի իրեն, քեզի համար կ'ըսէն որ քաջ վիրաբոյժ ես. ինչո՞ւ արումսադ ի գործ չես դներ :

Դէմ դէմի նստեր էինք լիւքասնալուրի սրճարանին մէջ. ինքը՝ իր սովորական տեղը, ես՝ իր սեղանին դիմացը :

Հարցումս զինքը յանկարծակիի բերաւ, տեսայ որ իր սովորական անխռով դէմքը այլայլեցաւ, քօնեաքի պլտիկ բաժակը զոր բերնին մօտեցուցած էր, դողաց ձեռքերուն մէջ :

Մարդ չկար մեզմէ գատ :

— Էսեմ քեզի թէ ինչո՞ւ այլեւս վիրաժութիւն չեմ ըներ, պատասխանեց բժիշկը ինծի :

Այս ատեն, յիշատակները ամփոփող մէկու մը պէս վայրկեան մը կեցաւ ու շտկուեցաւ նստարանին վրայ. իր չոր ու կորցած իրանը ուղղեց ու խօսիլ սկսաւ :

Բժշկական վարժարանին յառաջադէմ Մջանաւարտ-

ներէն եմ. ամբողջ պատահութիւնս, երիտասարդութեանս մէջ թեանս մէկ մասը աննուելը ու չոխն աշխատութեան մէջ անցած է: Գիտութիւնը՝ իմ միակ ըղձանքս ու հաճոյքս մէկը, այնքան որ լնկերներս կը ծաղցէն տարիքիս անել, այնքան որ բնաւորութիւնները, խառնուածքները վերլուծելու կարող եմ, կը տեսնեմ որ միամիա ու իւանդալառ մէկն էի ես ու առջի գէմս ելլովը բոլորովին սինտի գրաւէր, հրապուրէր զիս. երբեք ինքվինքս բանի մը մասնակի չեմ կորցած տալ. մարդիկ կան որոնք յանչափս կոտորաներու կրնան վերածուիլ առանց պակսելու, տեսակ մը անուշ հոտի պէս որ կրնայ ամէն կողմ տարածուիլ առանց իր քալցրութիւնը, իր ոյժը կորսնցնելու. այս մարդիկ կարող են բութիւնը, այժմ կորսնցնելու. այս մարդիկ կարող էն առաջական է, զրօսմնքէ հաճոյք զգալ. մէկու մը չեն կապուիր ու ամէն բան իրենցը կը համարեն. ագիկա տեսակ մը հոգեբանական ընկերվարութիւն է. ես անոնցմէ չէի :

Առջի գէմս ելլովը Գլոտութիւնը եղաւ և զայն սիրեցի հոգւոյս, տարիքիս բոլոր զօրութեամբը :

Երբոր վարժարանէն ելայ, ուսեալ տղայ մըն էի ու այսչափ միայն: Այս ատեն ժանտախտը կը ճարակէր Սուրիոյ մէջ. հոն զրկեցին զիս. երբեք չվախցայ մահէն ու հիմայ ալ չեմ վախնար: իրարու դէմ մաքառելու կոչուած առջի օրէն՝ բարեկամ՝ թշնամիներ ենք որ կը յարգենք, կը ճանչնանք իրար. բժիշկ մըն եմ ես ու առ մէծագոյն բժիշկն է. գիտութեան ստեղծած հաւաքան դեղերուն դիմացը՝ մահն ալ՝ Աստուծոյ ստեղծած հականեխականն է: կը հաւատամ որ մեծ ջարգերը, ահազին կոտորածները, որոնց վարժուած եմ ականատես ըլլալու, պատերազմներու մէջ կամ մահացու

հիւանդութեանց ճարակած միջոցին, առողջարար պաշտօն մը, նախասսնմանութիւն մը ունին: Ժօղէփ առ Մէժուի իմաստասիրութեան հաւատացող մըն եմ. այս անունը կը ժպտեցնէ քեզ. ես իմաստասիրութիւնը կը ափեմ իբրեւ գերագոյն բանաստեղծութիւնը. այն չոր ու ցամքած գիտնականներէն չեմ որոնց բոլոր հոգին ու զգայնութիւնը կաշկանդուած են Ֆօրմիւներու մէջ ու թոիչ չունին:

Դ.

Դամասկոսի մէջ մարոնի աղջիկ մը սիրեցի. բայց սիրեցի հիացումով ու շացումով: Կոյրի մը աչքերը բացուելուն պէս բան մը զգացի. այս էր սէրը: Տալիլա — այս էր աղջկան անունը — ինքը կը զարմանար վրաս. Կարծեմ թէ հարիւրապետի ոսկեզօծ համազգեստէս, մայթերուն վրայ ձգձգուող ու զարնուող սուրէս աւելի հրապուրուած էր քան ինձմէ. թեթեւ, զրոսամէր մէկն էր, լուրջ խօսակցութեան մը և մեծ ըմբռնումներու անկարող: Ես՝ իմ մտքիս մէջ՝ զինքը ամէն կատարելութիւններով օժտեր էի. սիրեցի զինքը, իր անունէն սկսելով մինչեւ ոպքին սիրուն ըրփերիները:

Տալիլա երկայն ծալածուփ մազեր ունէր որոնք իր ոսկեզանդ դրուազներով շրջապատուած փոքրիկ տիասեմէն դուրս կը թափէին անհնազանդ և կամակ ցայտուցըներով. կարմիր չուխայէ պղտիկ սելմենին մէջ չաղմող լսնջքը՝ նրբամել կազի մը պարկեշտօրէն կրկնուած ծալքերով ու փրփուրներով՝ գոգ առած առազաստի մը կը նմանէր. իր շալվարը ու մետաքսէ էր:

Արքենի հասակով, բարակամէջք աղջիկ մըն էր Տա-

վլան և իր հրապոյրներուն գիտակցութիւնը ունէր. կ'երգէր և ուտի վրայ նուագել գիտէր. իր մօտ, օթոցին վրայ, իր ոտքին քովիկը անցուցած ժամերս, անխօսիկ անմռունջ վերացումներով՝ չնորհալէ երազի մը յիշատակը ձգած են հոգւոյս մէջ:

Բայց որքան անհաստատ սիրտ մը ու թեթև գլուխ մը. իր քաղցր նայուածքը՝ արեւուն ճաւագայթին պէս՝ խտիր չէր դներ իրմավ ապրողներուն մէջ ու ամէնքն ալ հաւատարապէս իր լոյսովը կ'ողողէր, ինչպէս կ'ըսէ Ֆրան առ Բոնինեան: Ես՝ նախանձոտ, հպարտ ու նեղմիրտ, չկրցայ հանդուրմել ասոր. սրտմտեցայ. Տալիլա զարմացաւ. ինչ կ'ելլէր ատկէ. ձեռքս բռնեց ու համողել ջանաց զիս. այնքան մարդիկ երջանիկ կ'ըլլային իր մէկ բառովը. կրնա՞ր այսքան չնչին բան մը զլանալ անոնց:

— Զե՞ս սիրեր չեղեցիկ կնոջ մը երեսը նայիլ երբոր փողոցը հանդիպիս, հարցուց ինձի:

— Երբէ՞ք, ըսի իրեն խստութեամբ:

Ե.

Հինդ տարի վերջը. Հալէպի մէջ զօրաբանակին կը ծառացէի. օր մը, քրիստոնէի մը տունէն կանչեցին զիս վերաբուժական գործողութեան մը համար: Գետինը փառուած անկողնին մէջ երիտասարդ կին մը տեսայ:

— Տօքթօ՛ր, կանչեց իր անուշ ձայնովը:

Տալիլան էր:

Մօտեցայ ու քննեցի խոցը: Դրեթէ սրտին վրայ, ուտիչ վէրք մըն էր որ իր գունդ ու կարմրած ցցունքովը՝ մարմնին անբիծ ճերմակութեանը վրայ խոյացող գիշատիչ թռչունի մը զլսուն կը նմանէր:

— Ի՞նչ պիտի ընկես, Տօքթօ՛ր, հարցուց հիւանդը
աղերսարկու ձայնով :

❖ Մի՛ վախճար, ըսէ իրոն :

Բայց ան իր պաղատանքը աւելցուց. մենեակին մէջ
լեցուող բաղմութիւնը զուրս ելաւ։ մայրը ուժ ես մինակ
մնացինք իր քովը։ Տալիլա կը շարունակէր լեզու թափել։
— Պիտի մեռնիմ, Տօքթօ՛ր։

— Ո՛չ, ո՛չ, հիմայ կ'ազատիս։

Մայրը բայցաւ լանջքը ու ես նշարակս կեղանկին մօ-
տեցուցի։

— Անդի՛ն նայէ։

— Քու ձեռքդ թող մեռնիմ, ըստու Տալիլա մեղմ
Դանակը դպաւ . . . Աստուած իմ, ի՞նչ ըրաւ ձեռ
ի՞նչ ըրի ես, ինչպէս, վրդովումք զոր կրցեր էի զա
Հնչեց զիս յանկարծ ու նշարակս մողերեցուց։ Երդ
չգիացայ։ Կտրուած երակէն արիւնը վատակի պէս կը հա-
սէր ու վրաս կը ցայտէր։ Պուրս վազեցի օգնութիւն ու
զելու համար։ Ես որ վարպետ վիրապոյժ մըն եմ, ապիկս
մարդասպան մը դարձած էի։ Հոսումը գաղրեցնելու ըս-
լոր հսարքներս ի գերեւ ելան։

Տալիլան իմ ձեռքէս մառաւ, ճիշդ ինչպէս որ գերս
գոյն պշանքի մից վայրկեանին փափաքած էր։

7/11 1922

Գ. Գուրգեն

Հայ Գուրգեն

ՀՀ Ազգային գրադարան



NL0330921

29791

